

續修志姓氏

主修

成安縣知縣孫培曾

山東掖縣人

編纂

成安縣儒學教諭宋鳳翼

新城縣人

較訂

成安縣儒學訓導張巖

寧遠州人

督刊

成安縣志

續修志姓氏

壬戌

成安縣典史况宏恩

江寧人

采輯

欽賜舉人

溫用光

采輯貢生

李念祖

田允升

黃超傑

劉敏行

邊綸

邊縉

朱履善

陳育京

張泰臨

朱輯廩生

于元龍

馮鵬雲

任毓榮

朱輯生員

張魁元

王士奎

成安縣志


卷之一

姓氏

二

壬戌

續編



凡例

一前志叙至康熙二十二年截止迄今百三十五年其間考蹟耳目多有不及雖欲以附誌表就未詳備然後後之博識博學為補綴拾

一鳳安縣山其北則海河也自以流節從州亦為天恩前志所載海河水害為甚邑大夫患在前之慮除自當為今日且之無慮幸現澤水災難從無常亦敢必其終不復

鳳安縣志

卷之二

凡例

壬戌

續修

故遺也家不志而君子慎言其始亦備載之

二前志總紀二門編年記事文字異並列頗有條貫茲搜輯未能詳盡倘獲補綴

二賦役分徵收起運諸表三項悉遵賦役全書逐款開列

一學校為文教所自出土習所由端而風俗即視以為觀摩事甚重也前志無學校一門未免闕略故特增之

一縣治地僻事簡武備驛遞無可臚列然皆

功令所在事有專條制不偏廢併增之

一節孝或慷慨捐軀或從容守義其志節固不可沒要  
皆閨閣女流未可混入德行文學同爲列傳前志似  
無倫次特分列女一門並遵守節滿三十年卽可予  
旌之例現存者一並收入

一藝文所錄者皆有關於政教風俗民間利弊及古蹟  
所存至覽物興懷一切投贈之作概不錄

成安縣志

方域

縣治在府南六十里東二十五里至廣平縣界西十五里至磁州界南二十二里至河南彰德府臨漳縣界北二十八里至永年縣界東南四十五里至大名府魏縣治西南二十五里至河南彰德府臨漳縣治東北三十里至肥鄉縣治西北五十里至邯鄲縣治東西廣四十五里南北袤五十里

成安縣志

卷之一

方域

一

王成  
續修

縣屬十三社七屯社曰在坊關廂辛庄鄉義漳河郎堡亦村南陽重村姚堡河曠堤西關村屯曰甘羅西馬呂彪路固野庄陽寺關村第四鄉雖有社屯名目而各社屯所隸村庄却無定處有同居一村而戶頭掛在數社者有同爲一甲而花名與數村相雜者紛紜錯無從究詰不惟社屯僅存其名而牌甲幾不可查矣邑侯孫培曾按照四路社屯擇其毗連相近之村分爲各社各屯不得照舊參雜因出示曉諭皆以爲便而社甲始漸

徐村 前裴里 西徐村 後裴里 大郭庄 小郭庄 東亦村共十六村

郎堡社所屬有中郎堡 南郎堡 東南彭留 汪家

營 北連送 溫連送 高家庄 史家庄 林里

堡 北郎堡 黃郎堡 北漳堡 夏陽村共十三

村

姚堡社所屬有姚家堡 西魏村 東魏村 中彭留

西彭留共五村

成安縣志 卷之一 方域 四 壬戌 續修

北路

河疇社所屬有河疇村 東大姑廟 西大姑廟 北

劉家庄 西南庄 固子村 柴要村共七村

閻村屯所屬有店上 呂村 龐村 閻村共四村

閻村社所屬有東流 李家庄 東河村 辛庄 北

渚村 東小堤 西小堤 南渚村 東南渚共九

村

堤西社所屬有大堤西 秦化店 朱化店 北井

陳化店 周化店 小野庄 沙窩村 道東  
道西堡 曲村 范庄 小堤西共十三村

成安縣志

卷之一 方域 五

壬戌 續修

山川

縣境南隣鄴故於漳為近元明以來數汎溢為害遷徙不一前志言之詳矣康熙八年王侯公楷增修隄防恃以為固不為大害

康熙四十三年以後河漸定復徙而南

康熙六十一年自臨漳羊羔村入縣境李重村

雍正五年自臨漳油房村入縣境東南抹曠至范曠東

成安縣志

卷之一

山川

一

壬戌續修

下趙家三村分為二支一由魏縣南一由魏縣北均至  
館陶入衛

乾隆五年大水盡趨南支北支遂涸其趨而南者當元  
城之上流慮衝決為城郭愚當議於趙家三村築壩挑

引使歸北支故道

王今遠有開漳河故道議載藝文

水至壩衝不成而

罷

乾隆二十八年河南南臨漳縣之沙庄建築草壩一座計  
長二百四十丈頂寬四丈底寬十丈均高一丈每年請



無虞修

乾隆四十四年五月間漳河漫溢改流自臨漳縣之南  
高林城決口下注沙庄壩北前督憲楊勛明場歸無用  
奏准停修

乾隆六十年六月間河水漲發自臨漳縣三台改流歸  
入衛河並流境內其係無水乾河

漳河南徙縣境無水患矣但地畝屢被浸沒之後畛域  
混淆與訟者多嘉慶二年邑侯孫培曾來任凡因地畝

成安縣志

卷之一

山川

二

壬戌  
續修

呈控者悉以庫存官弓丈之名無異詞而健訟者謂官  
弓用久摩短不足爲憑侯仿照官弓以鐵鑄之并按其  
尺寸刻石記焉

記載藝文

成安縣志

總紀

康熙十五年丙辰知縣張元士來任

十六年丁巳 詔清查地畝

二十一年壬戌知縣倫紀來任

二十六年丁卯 詔豁去河流沙壓民地一百八十餘

頃屯地十二頃

二十七年戊辰知縣黨聲振來任

成安縣志

卷之一

總紀

一

壬戌  
續修

二十九年庚午李暉暄中鄉試科

三十一年壬申知縣蕭長祿來任

三十五年丁丑知縣邊宏德來任

四十七年戊子范玉宣樊正域中鄉試科

五十四年乙未知縣馬晃來任

五十五年丙申 詔編審新丁永不加賦

五十七年戊戌知縣孟燧初來任

六十年辛丑樊正域中會試科

六十一年壬寅知縣王文升來任

雍正元年癸卯朱鳴中鄉試科

二年甲辰 詔民丁屯丁銀攤入地糧徵收

三年乙巳知縣朱竟成來任

四年丙午起科河流地因丁銀已經議定例不攤徵

五年丁未知縣韓亮來任

七年巳酉知縣徐時作來任

十一年癸丑起科沙壓地例不攤徵

廣安縣志

卷之一

興紀

二

王成  
續修

十二年甲寅知縣紀時來任

十三年乙卯知縣趙元祚來任

乾隆元年丙辰 恩賞老民老婦

八年癸亥知縣吳學昌來任

十三年戊辰知縣吳德長來任

十五年庚午朱京陳均中鄉試科

十六年辛未 詔年老應試生均賞舉人 恩賞老民

老婦

十七年壬申 恩賞老民老婦 楊毓靈中鄉試副

十八年癸酉知縣張楷來任

二十一年丙子知縣李曰瑞來任

二十二年丁丑 恩賞老民老婦 詔鄉會試二場試

以五言八韻律詩一首

二十七年壬午侯燾中鄉試科

三十年乙酉楊毓靈郭文銓中鄉試科 知縣熊恩綬

來任

成安縣志

卷之一

總紀

三

壬戌 續修

三十一年丙戌 詔會試年老舉人賞給職銜 恩賞

老民老婦

三十二年丁亥知縣李聯璧來任

三十四年己丑知縣張景載來任

三十五年庚寅牛體仁中鄉試科 詔免直屬錢糧

三十六年辛卯知縣李國麟來任 詔清刑

三十七年壬辰 詔五年一次編審之例永行停止

四十一年丙申 詔清刑

四十三年丁酉 詔免直屬錢糧 詔會試舉人分別  
年歲賞給職銜 恩賞老民老婦

四十五年庚子 詔清刑

四十八年癸卯知縣觀禮來任

四十九年甲辰 詔賞賚八十以上老民並七八十以  
上老婦物價銀兩

五十年乙巳 詔賞賚八九十以上老民物價銀兩

五十一年丙午知縣汪廷樞來任 恩賞老民老婦

成安縣志 卷之一 總紀 四 壬戌 續修

五十四年己酉知縣王琨來任 恩賞老民老婦

五十五年庚戌 詔按年分府輪免直屬錢糧 詔賞

賚七八九十以上老民物價銀兩 詔清刑

五十七年壬子 詔輪免錢糧

五十九年甲寅知縣薛鑑來任

六十年乙卯 詔按年分府輪免直屬錢糧

嘉慶元年丙辰 詔賞賚八九十以上老民物價銀兩

罪犯斬絞分別准免

二年丁巳知縣譚光禴來任 詔清刑

三年戊午陳可久 欽賜舉人 詔清理庶獄

四年己未陳可久 欽賜翰林院檢討 詔清理庶獄

五年庚申因入春雨降較少 詔清理庶獄

六年辛酉因六月連日大雨永定河決口 詔清理庶

獄 詳辦西彭留村五代同堂民人侯金貴 溫用

光 欽賜舉人

七年壬戌溫用光 欽賜國子監學正

成安縣志

卷之一

總紀

五

壬戌 續修



成安縣志

建置

城池乾隆六年知縣趙元祿重修東門曰大東西曰拱極南曰迎熏小東門曰挹暉北無門有樓曰德勝週圍三里高三丈有奇廣一丈八尺其隍深一丈五尺闊三丈乾隆十三年知縣梁德長設立正南城門置文昌閣於其上南門外地勢低窪每逢暑雨野水自南門入城者屢矣嘉慶六年知縣孫培會築吊橋橋成安縣志

卷之一

建置

王成  
續修

外築大堤一道而城中始無水患

預備倉一在縣署內廩九間康熙五十四年知縣馬晃建今廢一在圓照寺東廩五十七間雍正元年知縣王文升建又廩十二間雍正六年知縣朱竟成建又廩二十五間雍正九年知縣韓亮建

節孝祠舊在縣治東雍正三年奉文創建後移於西關外其址無存嘉慶六年知縣孫培會移建於學宮之

西

城隍廟嘉慶六年知縣孫培曾重修移建戲樓於  
丙

關帝廟在縣治西北雍正十年知縣徐時作建廟近城

隅隙地舊無主持甚屬荒涼嘉慶四年邑侯孫培曾

於後殿西偏構室三楹延僧會司本立居之使司香

火

八蜡廟移建圓照寺東乾隆三十年知縣熊恩級重修

添建劉猛將軍廟於後殿

成安縣志

卷之一

建置

二

壬戌續修

漳神廟舊在東門外南堤旁乾隆三十二年知縣李聯

璧重修

馬神廟舊在儀門東嘉慶五年知縣孫培曾重修

衙神廟舊在儀門東嘉慶五年知縣孫培曾重修

鳳凰臺在城北五里許雍正十一年知縣趙元祚築臺

重修勒石於上

說法臺嘉慶元年知縣薛鑑重修

圓照寺在縣治西北康熙二十八年知縣黨聲震乾隆



三十一年知縣熊恩紱各重修

巡祥觀在城內西南隅乾隆三十六年士庶捐募重修

添建關聖帝君廟於中殿

彭善坊在縣治前乾隆八年知縣趙元祚奉文建


成安縣志

卷之一

建置

三

壬戌  
續修



成安縣志

賦役

原額民地伍千伍百陸拾叁頃伍拾伍畝內分

優免地伍百貳拾肆頃伍拾伍畝

行差地伍千叁拾玖頃每畝徵銀肆分叁釐柒毫伍絲

玖忽內除康熙貳拾陸年爲地被連年等事案內

奉文豁去

河流地壹百捌拾貳頃陸拾叁畝捌分零文除

成安縣志

卷之一 賦役

壬戌 續修

沙壓地肆頃柒拾玖畝柒分零

實在地肆千捌百伍拾壹頃伍拾陸畝伍分零每畝徵

銀肆分叁釐柒毫伍絲

雍正肆年起科涸出河流地壹百叁拾貳頃玖拾壹畝

貳分零

雍正拾壹年首報起科河流沙壓地伍拾頃柒畝零

雍正拾貳年起科開墾行差地貳頃壹拾玖畝叁分零

以上地額內共地伍千伍百陸拾壹頃貳拾玖畝零共

徵銀貳萬肆千叁百叁拾伍兩捌錢玖分玖釐貳毫零內除雍正肆年起科地畝應徵銀伍百捌拾壹兩陸錢壹分柒釐柒毫零又雍正拾壹年首報河流沙壓地糧銀貳百壹拾玖兩壹錢肆釐伍毫零因直屬丁銀已經派定咨明戶部例不攤徵丁匠外其餘銀貳萬叁千伍百叁拾伍兩壹錢柒分陸釐捌毫零共攤丁匠銀肆千捌百柒拾貳兩肆錢壹分貳釐捌毫零貳項共徵銀貳萬玖千貳百捌兩叁錢壹分零

成安縣志

卷之一

賦役

二

壬戌續修

遇閏共徵地閏銀壹千伍拾貳兩陸錢伍分壹釐叁毫零共攤徵丁閏銀壹百捌拾陸兩捌錢玖分零貳項共徵銀壹千貳百叁拾玖兩伍錢肆分捌釐肆毫

原額人丁自康熙拾年編審共貳萬貳千柒百壹拾玖

丁

康熙拾伍年至伍拾年編審分開除新收共添陸百肆

拾貳丁

康熙在拾伍年編審新丁奉

出諭永不加賦丁乾隆在拾陸年編審前年滋生補剩餘丁

共缺百柒拾貳丁

乾隆在拾柒年奉

出諭嗣後每年當次編審之例永行停止

實在下丁人丁貳萬肆千叁百叁拾叁丁內

僅免人丁捌百貳拾肆丁除補祿奉身丁叁百拾壹丁

咸安縣志

卷之二

賦役

三

壬戌續修

照舊免徭外其在百拾叁丁每丁徵銀壹錢

行差人丁貳萬叁千伍百玖丁內除永不加賦玖百柒

拾貳丁

實在行差人丁貳萬貳千伍百叁拾柒丁每丁徵銀壹

錢

貳項共徵丁銀貳千叁百伍兩因直屬窮民寸土全無

偏有了銀田連年陌丁銀獨少苦樂不均蒙前任

總督李 題定援照浙江等省之例以雍正貳年

爲始奉

旨攤入地糧銀內徵收訖

壹額外錢糧

原額歸併屯地共地肆百陸拾玖頃拾叁畝壹分伍釐  
貳毫康熙拾陸年奉文清查出首共地陸拾頃肆  
畝貳項共地伍百貳拾玖頃拾柒畝壹分零內除  
康熙貳拾陸年奉文豁去

河流並沙壓共地拾貳頃玖拾畝零內於雍正肆年起

成安縣志

卷之一

賦役

四

王戊  
續修

科河流地壹拾頃壹拾肆畝伍分零又於雍正拾  
壹年首報起科地貳頃柒拾伍畝肆分零

實在徵糧地伍百貳拾玖頃拾柒畝壹分零內除乾隆  
叁年改歸磁州寄庄地拾捌頃肆拾貳畝肆分零  
外

實剩地伍百壹拾頃柒拾肆畝柒分零內分

栢寺西營地貳拾壹頃叁拾肆畝零

出首地貳頃肆拾畝壹分零共地貳拾叁頃柒拾肆畝

壹分零每畝徵銀貳分貳釐捌絲捌忽每兩均攤  
丁匠銀貳錢柒釐貳絲貳項共徵地丁銀伍拾叁  
兩貳錢玖分陸釐柒毫

栢寺東營地叁拾肆頃陸拾貳畝貳分零

出首地貳頃陸拾陸畝玖分零共地叁拾柒頃貳拾玖  
畝壹分零每畝徵銀壹分壹釐伍毫叁絲捌忽每  
兩均攤丁匠銀貳錢柒釐貳絲陸忽貳項共徵地  
丁銀伍拾壹兩玖錢貳分陸釐捌毫肆絲貳忽

成安縣志

卷之一 賦役

五

王戊  
續修

史家庄營地陸頃

出首地柒畝貳分零共地陸頃柒畝貳分零每畝徵銀  
壹分陸釐陸毫伍絲貳忽每兩均攤丁匠銀貳錢  
柒釐貳絲陸忽貳項共徵地丁銀拾貳兩貳錢陸  
釐肆毫叁絲貳忽

辛寨營地叁頃捌拾捌畝伍分

出首地陸拾叁畝壹分零共地肆頃伍拾壹畝陸分零  
每畝徵銀叁分陸釐捌毫叁絲伍忽每兩均攤丁

匠銀貳錢柒釐貳絲陸忽貳項共徵地丁銀貳拾兩捌分伍釐叁毫伍絲叁忽

霍村營地捌拾叁頃玖拾叁畝柒分零內除康熙貳拾陸年奉文除去

河流地壹頃貳拾畝壹分又於雍正肆年起科照舊徵糧又乾隆叁年改歸磁州寄庄寄糧地柒拾陸畝貳分零

實在徵糧地捌拾叁頃壹拾柒畝伍分每畝徵銀壹分

成安縣志

卷之一

賦役

六

王戊續修

陸釐玖毫叁絲叁忽內除雍正肆年起科地糧銀貳兩叁分叁釐陸毫捌絲柒忽例不攤徵丁匠外實應攤徵丁匠地糧銀壹百叁拾捌兩捌錢捌釐玖毫叁絲貳忽貳項共徵銀壹百陸拾玖兩伍錢柒分玖釐柒毫玖絲貳忽

出首地拾壹頃貳拾捌畝叁分零每畝徵銀壹分陸釐玖毫叁絲叁忽每兩均攤丁匠銀貳錢柒釐貳絲陸忽以上各項共徵地丁銀壹百玖拾貳兩陸錢

肆分壹釐捌毫伍絲陸忽

鄭家庄營地陸拾壹頃肆拾伍畝貳分零

出首地拾陸頃叁拾柒畝零共地柒拾柒頃捌拾貳畝

貳分零每畝徵銀壹分玖釐捌毫貳絲伍忽每兩

均攤丁匠銀貳錢柒釐貳絲陸忽貳項共徵銀壹

百捌拾陸兩貳錢貳分捌釐捌毫陸絲

高陵阜營地陸拾陸頃貳拾玖畝伍分零

出首地叁頃拾叁畝玖分零共地陸拾玖頃肆拾叁畝

成安縣志

卷之一

賦役

七

王成續修

肆分零每畝徵銀壹分玖釐貳毫陸絲伍忽每兩

均攤丁匠銀貳錢柒釐貳絲陸忽貳項共徵銀壹

百陸拾壹兩肆錢陸分叁釐柒絲伍忽

魚口營地叁拾壹頃叁拾壹畝壹分零內除

河流地柒頃玖拾畝捌分零又除

沙壓地貳頃捌分

實在徵糧地貳拾壹頃叁拾玖畝肆分零

出首地壹頃玖拾捌畝陸分零



雍正肆年起科河流地柒頃叁拾叁畝壹分零

雍正拾壹年起科河流沙壓地貳頃伍拾捌畝肆分零

此貳項不攤丁匠共地叁拾叁頃貳拾玖畝捌分

零每畝徵銀壹分貳釐柒毫捌絲陸忽每兩攤丁

匠銀貳錢柒釐貳絲陸忽共徵銀肆拾捌兩柒錢

陸分柒毫玖忽

連送營地肆拾貳頃拾陸畝伍分內除

河流地壹頃陸拾壹畝叁分零又除

成安縣志

卷之二

賦役

八

王成續修

沙壓地拾柒畝

實在徵糧地肆拾頃叁拾捌畝壹分零

出首地壹頃伍拾伍畝叁分零

雍正肆年起科河流地壹頃陸拾壹畝叁分零

雍正拾壹年起科沙壓地拾柒畝此貳項不攤丁

匠共地肆拾叁頃柒拾壹畝捌分零每畝徵銀壹

分叁釐肆毫肆絲陸忽每兩攤丁匠銀貳錢柒釐

貳絲陸忽共徵銀柒拾兩肆錢伍分捌釐肆絲玖

忽

郭兒庄營地肆拾玖頃叁拾貳畝內乾隆叁年改歸磁州寄庄寄糧地拾柒頃陸拾陸畝貳分零

實剩地叁拾壹頃陸拾伍畝柒分零

出首地拾頃玖拾肆畝叁分零共地肆拾貳頃陸拾畝壹分零每畝徵銀壹分貳釐陸毫叁忽每兩均攤丁匠銀貳錢貳絲陸忽共徵銀陸拾肆兩捌錢壹分貳釐柒毫肆絲肆忽

成安縣志

卷之一

賦役

九

壬戌續修

郭坊營地陸拾捌頃捌拾畝叁分

出首地捌頃玖拾捌畝捌分零共地柒拾柒頃柒拾玖畝壹分零每畝徵銀貳分肆毫肆絲伍忽每兩均攤丁匠銀貳錢柒釐貳絲陸忽共徵銀壹百玖拾壹兩玖錢柒分捌釐叁毫玖絲捌忽

以上各營則例不等共徵銀捌百捌拾肆兩叁錢貳分叁釐肆毫捌絲叁忽內除雍正肆年起科地應徵銀拾叁兩伍錢柒分柒釐陸毫柒絲又雍正拾壹

年首報起科地應徵銀叁兩伍錢叁分叁釐捌  
致絲捌忽因直屬丁銀已經攤足例不攤徵丁匠  
外其餘銀捌百陸拾柒兩貳錢壹分壹釐玖毫壹  
絲肆忽共均攤丁匠銀壹百柒拾玖兩伍錢叁分  
陸釐壹毫貳絲肆忽貳項共徵銀壹千陸拾叁兩  
捌錢伍分玖釐陸毫柒忽

遇閏各營屯地每畝加徵銀捌忽貳纖共徵閏月銀肆

錢壹分陸釐伍毫捌絲陸忽共徵攤丁閏銀陸兩

成安縣志

卷之一 賦役

十

壬戌  
續修

捌錢捌分陸釐陸毫捌絲肆忽貳項共徵銀柒兩

叁錢叁釐貳毫柒忽

原額籽粒民地肆頃陸拾貳畝每畝徵銀叁分叁毫每

兩均攤丁匠銀貳錢柒釐貳絲肆忽零貳項共徵

銀拾陸兩捌錢玖分陸釐零

遇閏每兩均攤丁閏銀柒釐玖毫肆絲壹忽共攤丁閏

銀壹錢壹分壹釐壹毫陸絲伍忽零

壹乾隆叁年收回磁州寄庄膏糧地玖分陸釐母畝徵

銀陸分肆釐貳毫捌絲陸忽零每兩均攤丁匠銀  
壹錢肆分伍釐貳毫伍絲捌忽零貳項共徵銀柒  
分陸毫柒絲玖忽零

原額屯丁叁百伍拾貳丁自康熙伍年編審起至伍拾  
年編審止新增補剩新丁

實在屯丁肆百拾貳丁

中中戶柒丁每丁徵銀肆錢伍分伍釐

中下戶肆拾壹丁每丁徵銀叁錢叁分

成安縣志

卷之一

賦役

十一

王戊  
續修

下上戶伍拾陸丁每丁徵銀叁錢

下中戶玖拾叁丁每丁徵銀貳錢

下下戶貳百壹拾伍丁每丁徵銀壹錢

各丁則徵銀不等共徵丁銀柒拾伍兩陸錢陸分伍釐

蒙前任總督李 題定援照浙江等省之例於雍

正貳年爲始奉

旨攤入地糧銀內徵收訖

以上額外各項其地伍百拾伍頃叁拾柒畝陸分陸釐

零各項徵則不等其徵正銀捌百玖拾捌兩叁錢捌分叁釐柒毫玖絲柒忽零內除

雍正肆年玖年拾壹年起科地不攤丁匠又收回磁州寄庄寄糧地照豫省之例攤徵丁匠銀兩其餘銀捌百捌拾壹兩貳錢壹分伍毫壹絲肆忽共攤徵丁匠銀壹百捌拾貳兩肆錢叁分肆釐貳毫玖忽零叁項共徵銀壹千捌拾兩捌錢貳分陸釐玖毫柒絲貳忽

咸安縣志

卷之一

賦役

十二

壬戌續修

遇閏共攤徵丁匠銀陸兩玖錢玖分柒釐捌毫伍絲共徵地閏銀肆錢壹分陸釐伍毫捌絲陸忽貳項共徵銀柒兩肆錢壹分肆釐肆毫叁絲陸忽

通共額內額外各項共地陸千柒拾陸頃陸拾陸畝柒分壹釐壹毫壹絲玖忽共徵正銀貳萬伍千貳百叁拾肆兩貳錢捌分叁釐壹絲壹忽共徵丁匠銀伍千伍拾肆兩捌錢肆分柒釐貳絲貳忽共徵丁匠銀捌釐玖毫陸絲肆忽

參項共應徵地糧丁匠丁庄共銀叁萬貳百捌拾玖兩壹錢叁分捌釐玖毫玖絲捌忽

遇閏共徵丁閏銀壹百玖拾叁兩捌錢玖分肆釐捌毫玖絲貳忽零共徵地閏銀壹千伍拾叁兩陸分柒

釐玖毫伍絲捌忽

貳項共應徵丁閏地閏銀壹千貳百肆拾陸兩玖錢陸分貳釐捌毫伍絲零

壹起運

成安縣志

卷之一

賦役

十三

壬戌續修

各部寺錢糧並節年裁解及歸併屯營額外民地與清查出地糧及均攤丁匠等項總歸

戶部項下共銀貳萬捌千肆百捌拾伍兩貳錢伍分陸毫捌絲

遇閏共加丁閏地閏共銀壹千壹百叁拾肆兩伍錢貳分壹釐柒毫貳絲玖忽

壹辦解本邑芝蔬貳石柒升陸合壹勺陸抄每石減定價銀壹兩共動用價銀貳兩柒分陸釐壹毫伍絲

又脚價銀壹兩肆錢肆分壹釐捌毫捌絲捌忽在於起運銀內留支

壹實支存留銀壹千捌百叁兩捌錢捌分捌釐叁毫壹

絲柒忽

遇閏

實支銀壹百拾貳兩肆錢肆分壹釐壹毫貳絲壹忽

修理

銀伍錢

成安縣志

卷之一

十四

壬戌續修

修理

銀拾兩

本府時憲書銀貳拾兩

本府馬快手拾名每年工食銀壹百陸拾捌兩遇閏加

銀拾肆兩

清軍廉門子貳名每年工食銀拾貳兩遇閏加銀壹兩

本府通判步快手捌名工食銀肆拾捌兩遇閏加銀肆

本府經廳門子壹名工食銀陸兩遇閏加銀伍錢  
本縣知縣俸薪銀肆拾伍兩

門子貳名工食銀拾貳兩遇閏加銀壹兩

直堂皂隸拾陸名工食銀玖拾陸兩遇閏加銀捌兩

馬快手捌名工食銀壹百叁拾肆兩肆錢遇閏加銀拾

壹兩貳錢

民壯伍拾名工食銀壹百捌拾兩遇閏加銀拾伍兩

看監禁卒捌名工食銀肆拾捌兩遇閏加銀肆兩

成安縣志

卷之一

賦役

十五

壬戌  
續修

轎傘扇夫柒名工食銀肆拾貳兩遇閏加銀叁兩伍錢

庫子肆名工食銀貳拾肆兩遇閏加銀貳兩

斗級肆名工食銀貳拾肆兩遇閏加銀貳兩

典史俸薪銀叁拾壹兩伍錢貳分

門子壹名工食銀陸兩遇閏加銀伍錢

皂隸肆名工食銀貳拾肆兩遇閏加銀貳兩

馬夫壹名工食銀陸兩遇閏加銀伍錢

教諭俸薪銀肆拾兩



訓導俸薪銀肆拾兩

齋夫陸各工食銀叁拾陸兩遇閏加銀叁兩

膳夫貳名工食銀拾叁兩叁錢叁分叁釐叁毫遇閏加

銀壹兩壹錢壹分壹釐壹毫

門斗伍名工食銀拾肆兩肆錢遇閏加銀壹兩貳錢

廩生貳拾名糧銀陸拾肆兩遇閏加銀伍兩叁錢叁分

叁釐叁毫

文廟崇聖祠名宦鄉賢春秋貳大祭銀肆拾兩

成安縣志

卷之一

賦役

十六

王成 續修

雍正陸年新增

武廟叁大祭銀肆拾兩

社稷山川風雲雷雨城隍等神春秋貳大祭銀叁拾兩

叁小祭無祀鬼神銀拾兩

時憲書銀叁兩

朔望行香帛燭銀壹兩

鄉飲貳次酒席銀拾貳兩

先農壇農夫貳名工食銀拾貳兩遇閏加銀壹兩

孤貧叁拾伍名月支口糧銀壹百貳拾陸兩遇閏增  
拾兩伍錢 冬衣花布銀玖兩柒錢肆分貳釐貳  
毫壹絲伍忽

更夫伍名工食銀貳拾肆兩遇閏加銀貳兩  
火夫拾名工食銀肆拾捌兩遇閏加銀肆兩

走遞馬工料銀壹百玖兩壹錢伍分玖釐伍毫貳忽零  
遇閏加銀玖兩玖分陸釐柒毫貳絲壹忽零

各舖司兵捌名工食銀肆拾捌兩遇閏加銀肆兩

咸安縣志

卷之一

賦役

十七

壬戌續修

吹鼓手肆名工食銀貳拾肆兩遇閏加銀貳兩

貳年壹辦

貢生花紅旗匾銀貳兩伍錢

叁年壹辦

本府舉人會試公宴花紅燈費銀貳拾兩

會試舉人盤費銀陸兩

新中舉人坊價銀貳拾陸兩陸錢陸分陸釐柒毫

新中進士坊價銀叁拾叁兩叁錢叁分叁釐叁毫

武闈並入簾公宴銀拾兩

新中武舉花紅旗匾銀叁兩叁錢叁分叁釐叁毫

新中武進士花紅旗匾銀陸兩陸錢陸分陸釐陸毫

會試膳錄書手工食銀拾叁兩叁錢叁分叁釐叁毫

又不在地丁之內

匠價銀拾玖兩叁錢玖分於雍正貳年爲始攤入地糧

內徵收訖

雜辦銀壹兩肆錢肆分

成安縣志

卷之一

賦役

十八

壬戌  
增修

又不在地糧銀內各項稅銀

當稅

房產稅

牛驢稅

牙帖稅

以上稅銀並無定額僅收備解年貢結冊奏銷

成安縣志

鹽引

原額鹽叁千陸百引分認京引鹽壹百引共叁千柒百引

河南延津縣商人通出伐銷晉協和名下壹千肆百捌

拾引本縣每歲銷貳千貳百貳拾引

成安縣志

卷之一

鹽引

二十

王成續修



成安縣志

學校



學宮康熙十七年邑紳王聲重修雍正九年知縣徐時

作復修

吳應茶有  
記載藝文

乾隆三十四年知縣張景載移泮

池於櫺星門內嘉慶二年知縣譚光禴重修大成殿

明倫堂嘉慶五年知縣孫培曾重修東西廡戟門櫺

星門東西華門各宦祠鄉賢祠泮池照壁及一切牆

垣

記載  
藝文

成安縣志

卷之一

學校

壬戌  
續修

崇聖祠舊在大成殿東南明萬歷三十年知縣劉永脉

改建於大成殿後康熙二十八年邑人豫我貴捐修

雍正十二年知縣紀焯重修嘉慶五年知縣孫培曾

重修

文昌閣在學宮東華門外康熙五十八年邑人黃如圭

修

奎星樓在城東南隅康熙間知縣馬冕教諭董煒雍正

九年知縣徐時作乾隆三十四年知縣張景載嘉慶

六年知縣孫培曾各重修

崇禎祠在學宮西雍正三年奉文建

學署嘉慶六年知縣孫培曾重修東西齋各添建客齋  
三間

學田舊有地壹頃壹拾捌畝捌分湮沒無存邑侯孫培  
曾查出前任入官地玖拾陸畝移送儒學置爲學田  
又查出原額學田地伍拾捌畝叁分其地壹頃伍拾  
肆畝叁分

成安縣志

卷之一

學校

二

壬戌續修

聯暉書院嘉慶六年知縣孫培曾構買民房創建於學

宮之西

記載  
藝文

義學一在縣治東有地叁拾貳畝一在圓照寺有地壹  
頃叁畝一在姜家營有地伍拾畝一在小郭庄康熙  
三十九年小郭莊村生員楊洪訓自捐設立乾隆三  
十五年武生楊繩武重捐大郭庄武生譚緯西亦村  
監生田玉普共地柒拾伍畝

文漪書房在學宮右康熙六年知縣趙元祚建

記載

臨蓮花池每當夏月蓮花盛開清風繞座香氣襲人  
真納涼勝地也惜今已殘廢每欲修之以備八景之  
一尙有志未逮也

成安縣志

卷之一

學校

三

壬戌  
續修



成安縣志

武備

郡縣城守舊有民兵鄉兵之名止揀選鄉民壯丁以時團操康熙八年知府劉光榮始請題設守備一員千總一員把總二員分兵駐防隸大名協標雍正九年改守備為都司十二年改為游擊增設千總二員外委七員馬步戰守兵共四百八十三名內成安汛分防外委一員馬兵二名步戰兵一名守兵九名





成安縣志

職官

知縣

康熙王公楷 進士 瀋州

張元士 監生 上海

黨聲震 進士 華州

倫紀 舉人 順德

蕭長祚 監生 漢陽

邊弘德 人 遼東

馬晃 人 遼東

孟培初 舉人 浮東

王文升 人 江寧

成安縣志

卷之一 職官

壬戌 續修

雍正朱竟成 副榜 永安

韓亮 人 洪洞

徐時作 進士 建寧

紀昉 進士 嵩縣

趙元祚 舉人 昆明

乾隆宋宗元 舉人 長州

梁德長 監生 長安

吳學昌 舉人 浙江

張楷 監生 南京

李日瑞 舉人 江西

熊恩綬 進士 廣西

張景載 舉人 四川

李聯璧 舉人 江西

李國麟 進士 安徽

親 鑲白旗

江廷樞 江南監生

薛鑑 陝西舉人

孫培曾 山東萊州府掖縣舉人

教諭

王公楷 康熙拾貳年修志 康熙叁年九小縣俱裁

康熙拾伍年復設

石從功 冀州貢生

張燮 順天府貢生

成安縣志

吳壽祖 東光縣貢生

吳徽 蠡縣貢生

李雲麗 高邑縣拔貢

王維祺 平山縣副榜

劉恂 正定府副榜

李學沂 西寧縣拔貢

李漢儒 新河縣拔貢

宋鳳翼 新城縣拔貢

王琨 浙江舉人

譚光禴 江西監生

陳怡瞻 保定府貢生

童煒 祁州舉人

王之賓 完縣舉人

張鈞 新安縣貢生

鐘曙 宛平縣副榜

戴縉 祁州舉人

米福 冀州副榜

常琳 蔚州拔貢

余世廉 清苑縣副榜

卷之一 職官

二

壬戌 精修

訓導

黃州麟 祀陽縣 貢生

張煥光 臨城縣 貢生

魯明道 昌平州 貢生

王國棟 青縣 貢生

呂宮選 靜海縣 貢生

劉 蛟 青縣 貢生

章 采 遼東 貢生

郝三核 阜平縣 貢生

鄭之湛 定興縣 歲貢

毛天翀 盧龍縣 歲貢

田 畬 永清縣 貢生

李 芹 井陘縣 歲貢

張紹堯 唐山縣 歲貢

薄 鳳 大興縣 拔貢

成安縣志

卷之一

職官

三

壬戌 續修

趙 天津縣 歲貢

張 潭 景州 歲貢

冉士煒 高陽縣 舉人

潘中矩 元城縣 舉人

馮天祥 保定縣 歲貢

侯元亮 武清縣 舉人

張 巖 寧遠州 歲貢

典史

孫毓秀 山西 人


王廷遴 浙江 人

張 榮 浙江 人

沈 浩 浙江 人

傅德正 介休 人

金 現 四川 人



成安縣志

卷之二

職官

四

壬戌 續修

高 彙 貴池人

張 煒 山西人

徐 懋 德 泗州人

張 琪 山西人

劉 理 山西人

任 維 嵩 浙江人

陳 華 安徽人

况 宏 恩 江寧人

成安縣志

選舉

進士

樊正域 辛丑科

舉人

李暉暄

范玉宣

樊正域 戊子科 朱鳴 癸卯科

朱京 庚午科 陳均 庚午科 侯燾 壬午科 楊毓靈 乙酉科

郭文銓 乙酉科 牛體仁 庚寅恩科

成安縣志

卷之一

選舉

王戊 續修

副榜

朱京

楊毓靈 壬申科 王國珍

府學拔貢

程謨

縣學拔貢

遂琬

樊正域

趙繼抃

朱世瑞

王師陶

任毓樟

王瑞麟

遂宗伊

張存義

歲貢

馮甲

張爾恕

牛貞

武光繩

冀北驄

陳鼎

袁騰龍

萬江月

王心簡

張閣

張聯芳

朱宗魯

馮翼

白我學

師繆

喬拓基

靳方升

王特簡

喬文燦

郭惠普

王夢賚

袁廣錫

陳爾大

王廷詔

武濯

李乾生

邵詰深

王元

成安縣志

卷之一

選舉

二

王成續修

劉其禮

郭木生

盧光燦

陳教之

朱霧

馮緝京

靳龍顏

朱世昇

任煜

陳爾述

遂琦

武士彥

米芬

盧文燦

樊倫杉

朱世瑗

朱世琛

尹公麟

遂綸

張青錢

靳國璽

靳方生

郭萬鎰

宋潘

李倬

黃金相

高尙仁

宋廷樞

劉敏行

朱章

馮羽化

王世鴻

朱履祥

任中麟

鄭五倫

朱履吉

李念祖

申自天

劉玉樹

蔡枚

侯維城

田允升

陳育東

趙燕成

任毓杞

蕭元會

朱爾璽

樊灝

石僕

廉登第

白無瑕

朱世宏

安維禮

朱良謨

廉勿澄

例貢

遂綱

張福臻

遂績

張泰臨

成安縣志

卷之

選舉

三

續修

郭子昌

黃如玉

黃鳳翔

黃超傑

黃超選

楊玉龍

武紹先

李廷遴

張燮

曹擴基

欽賜翰林院檢討

陳可久

欽賜國子監學正

溫用光

例授衛千總

張建義

例授州同知

吳蘭普

任澤久

逸士麟

逸士龍

陳其皓

逸士傑

陳其晚

例授訓導

張爨

武舉

馮源

侯得輔

牛宿九

王恒漢

成安縣志

卷之一

選舉

四

壬戌續修

朱秋桂

丙子科

王文浩

壬午科

朱鵬舉

辛卯科

楊玉鰲

師世瑯

乙酉科

唐應龍

乙卯科

唐瑞龍

戊午科

池及修

戊午科

掾仕

王聲

萊縣知縣

溫恂

廣東提舉

陳爾遜

鄆縣知縣

王希曾

東光主簿

郭惠普

昌黎訓導

王廷詔

通州訓導

盧文燦

寧晉訓導

遂琦

長沙府同知

武士彥

萬州吏目

樊正域

戶部員外郎



遼 琬 元氏縣教諭

朱 霧 沙河縣訓導

王恒漢 河南遂平縣  
千總

朱秋桂 廣東興寧營  
都司

遼 綉 湖南江華縣  
知縣

張 格 浙江台州府  
寧海縣典史

程文學 惠州府司獄

武紹先 昌平州訓導

成安縣志

郭文銓 豐潤縣教諭

楊維幹 理全州吏目

陳齋芝 山西大同府  
左雲縣巡檢

朱應兆 應州吏目

白無暇 密雲縣訓導

封廕

遠我貴 以子琦贈同  
知

陳 鼎 以子爾遊贈  
知縣

陳爾逢 光祿寺署正

樊倫彬 鎮黃旗教習  
通州訓導

朱世瑞 廣德州州判

王文浩 廬州衛千總

王恒淳 廣德州巡檢

馮羽化 寧河縣訓導

朱鵬舉 大河衛千總

楊毓靈 大成縣教諭

卷之一

選舉

五

王茂 續修

黃金相 冀州訓導

侯 燾 陝西定邊縣監大  
使署寧美州知州

楊玉書 浙江湖州府武康  
縣典史

宋 璠 交河縣訓導

王國珍 無極縣教諭

逯如機 以木生子琦贈同  
知

王 馨 以子廷詔贈文林  
郎

王 健 以子希曾贈登仕郎

王 錫 以子恒淳贈廷尉

侯 荃 以子燾贈修職郎

陳作舟 以子喬芝贈登仕郎

溫學孟 以子恂贈奉直大夫

朱應元 以孫秋桂贈武德郎

朱紹宗 以子秋桂贈武德郎 復贈昭武大夫 樊 越 以子正域贈奉直大夫


成安縣志

卷之一

選舉

六

壬戌 續修



成安縣志

名宦

知縣

王公楷潁州進士康熙八年來任自漳水決城公署民  
房盡壞而南門當其衝前令塞之公以爲非計也撤  
其塞同東西門皆市大木爲闌板砌磚兩扉旁爲闌  
道水至則上板築土因勢增加水退撤之外又增築  
長堤嗣後水不入城而無大患者皆守公之遺法也

成安縣志

卷之二 名宦

王戊 續修

黨聲振華州進士康熙二十七年來任厚重簡樸推誠  
與人值歲荒設法勸諭諸紳士令出粟穀設廠煮粥  
親自驗放一時全活者甚衆邑人感其德祀仰功祠  
徐時作建寧進士雍正七年來任以學宮傾圮捐俸倡  
修時地畝混淆清豪強兼并者多而貧民愈受其累以  
致邑賦常缺額公乃清釐地畝令隱漏者以實自首  
正供既足派累悉除

教諭

三子值完縣舉人康熙間授成安教諭諸生進謁必  
道義相規立麗澤社爲文會無間風雨卒於官門  
人爲碑立明倫堂

### 訓導

要運昌南和貢生康熙初成安訓導明經義善啟發資  
諸生以膏火薪水使閉戶讀書或貧不能婚葬者  
捐俸爲助倡修學宮規制煥然值漳水入城當事  
在倉皇莫措運昌出錢募人決西北城洩水一時  
成安縣志

卷之一

名宦

二

王成  
續修

居民安堵厥功多焉

人物 孝友 篤行 一行 文學

孝友

趙繼林字琴一拔貢居父母喪卧苫枕塊三年未嘗入  
內室弟窶甚衣食必共或至轉相稱貸以與之至老無  
間督學使表其門

張益潛字孔昭邑庠生繼母王氏性嚴益潛承以色笑  
父歿事之尤謹王病朝夕侍奉八載無倦奉 題旌表

成安縣志

卷之一 孝友

一

壬戌 續修

潘興邦東鄉義村人以燒瓦器爲生父母在日飲食不  
敢先嘗即赴親友筵席其首饌必以器盛之歸遺其親  
父母既亡又自燒瓦器書其父母生辰年月以充誌石  
廬墓三年每食必祭 有司奏聞建坊旌之曰孝友可  
風其廬墓遺址在村前相傳孝子瓦缸墳是也貢生田  
允生有贊

安中鄰岳固人家極貧業農早孤事其母無文飾朝夕  
惟依依孺慕或有故出必囑其妻小心服事歸即起

其母卒喪具不扳其兄鄉黨稱孝焉

可富河町鄉民也家貧無以聊生市豆腐爲活計  
卒篤孝其父年二十一值父生日思以異味獻苦不  
能得供刀水於竈君前而默祝焉以水刷牙洗臂割其  
股肉以進而其父不知也其刀痕越七日即愈邑侯趙  
元祚以愚孝難及四字旌之及父卒又廬於墓側三年  
後有焚香獲金族屋得銀之事人以爲孝感所致云

袁顯史家庄人世業農幼喪母行年六十每至母喪日

成安縣志

卷之一

孝友

二

壬戌  
續修

猶痛哭若初喪其父年老病癱好遊城市常負之進城  
必擇市中甘旨進之侍其側寸步不離暮負之歸數年  
如一日及父卒塋後每夜臥主傍與人言及其親必流  
涕教諭劉廷遴表其門曰孝德真純

陶福介明孝子陶盤後裔親歿既塋廬墓三年不返親  
友勸之曰三年服滿禮制也余不敢違村外閒居有何  
異哉邑侯遣鼓樂迎之不得已哭返後漸絕飲食而卒  
邑侯學宮表其門曰克敦大本始終全孝

霍姓從北漳堡人幼失怙恃依兄嫂兄病篤寢食不  
置十餘兄生時鄉黨借券約錢三百餘貫悉焚之撫養  
兄子俱成後異爨讓地三頃人問之曰以報吾兄也卒  
後本村霍立元補欠金其子孫不受元遂買樹植其墳  
上

蔡四達夏陽村人兄出嗣父當病篤恐出嗣子後空乏  
囑以勿論爾兄出嗣父卒即延親族聚訴先志將遺產  
固讓半於出嗣之兄焉後諸姪乏食亦時潤給

成安縣志

卷之

孝友

三

壬戌  
續修

吳美張家庄人家赤貧佃地爲業其父好酒百計圖之  
以悅父心嘗於困極時與身上衣沽酒以進不使父知  
如此者屢矣事繼母不知其爲繼母也現今年六十有  
六歲

徐有典字致五邑庠生天性孝友父母相繼寢疾二十  
有二年典進湯藥調飲食永無懈意聞有良方日去日  
回恐家中人事奉不到也父死典妻已亡母以侍候不  
使令與再娶仍晝夜不離左右母遺之去典泣曰母之

日短晷之日長况媳少不更事免何忍旦夕離耶今與  
年七十餘歲有人問及前事猶咽啞流涕不能出語  
邑侯孫培曾旌之曰行媿循陔

遂輯事親克盡孝養已所置產悉與諸弟共之以仁讓  
化人終其身里黨無爭訟者尤務實學於程朱之古多  
所發明奉 題祀鄉賢祠

成安縣志

卷之一 孝友

四

壬戌  
續修



成安縣志

篤行

石俱字良菴邑貢士天性孝友讀書耻虛名作文依秦漢唐宋不趨時蹊爲諸生時肄業於蓮花池書院夜有少婦潛入其室俱拒之不去善拒之仍不去諄諄以節義廉耻告乃去次日辭歸家素貧淡泊是甘耽心經書至老不倦栢鄉進士楊宏聲嘗勸俱留心時藝而俱終不以彼易此邑侯進士徐公本學老師拔貢鍾公墓其

成安縣志

卷之一 篤行

王成  
續修

賢聘爲西賓使子弟師事之城居數年不識公門一人親友有請託者則掩耳不聞人以爲迂而二公愈加敬禮同邑生員馬鵬雲有篤行歌載藝文志

郭本生字維貞雍正戊申年貢士秉性端方讀書務求實際有不規於正者憚見之鄉人有相爭者中人處之不得平邀本生至仍不釋本生曰我無德遂以梓白檀其首兩家愧悟登門謝罪常語其弟子曰人苟根本可虧雖擢巍科登顯仕不足榮也門人積所著作列傳

租數百片經漳水後止存一二

李懷禮字近恭河東村人家頗殷實僮好施有南潞村侯姓結婚缺聘禮往求之素不識面即與銀二十兩又念銀足聘金復與錢二千以爲酒會費本族增廣生李維家貧不能脩喪具禮慨然以百金助之小堤潘村等十二村遇荒乏會周賑數百石全活甚衆嘗悔少未讀書掃書舍脩飲食勸四鄉碩士會講會文何觀光田允升等六七人常往來於其家焉臨終家人恍惚見公成安縣志

卷之二 篤行

二

壬戌 續修

役來接道上帝命擢爲山陽縣城隍云廩生學名增生  
學榮維慎皆其孫也子孫繁昌田園如故人以爲盛德  
之報



成安縣志

一行

程元英字敬之河隴人邑庠生性剛方峭直專爲人排難解紛扶弱抑強鄉人有爭者多祈決焉年享八十餘歲無病而終

王京字君所庠生也性端直父卒體繼母邢氏意收養其前子後給地三十畝庄一新又買人田地若干及丈量時畝數不足長支去地贖甚多退而還之遂憐其貧

成安縣志

卷之二 一行

壬戌續修

慨然不受

王聰字明菴國子監學生少失怙事母曲盡孝道而尤好義樂施凡親鄰婚喪有不能自給者感量力周給曾有小墓無地者卽借與地十二畝

侯芬字帝歆增廣生性敦篤每於冬月設厰煮粥以濟貧人率以爲常有婚喪力不給而厚助者甚衆

董晟字宋音大學生原籍臨漳縣人居李家壘四世矣性醇厚果於爲善開設義學延請名師每歲費百餘金

內有貧者供食之四方來學者有磁州邯鄲廣平肥鄉  
咸安臨漳魏縣七處人前後四十餘年成就諸生二百  
餘人乾隆五年河南巡撫雅 題其額曰成就後學兼  
之夏則施茶水冬則捨綿衣幫婚助葬無不慷慨  
傳廷宣字子達康熙丙午舉人傳明德之曾孫也早歲  
入庠性純好施暑天設茶水以濟途人春冬月施粥濟  
貧每日就食得以生全者甚衆

咸安縣志

卷之

一 行

二

壬戌  
續修

婚喪艱難者無不樂助且有邯鄲百川號商人路過其  
村遺銀二百兩涿拾之隨時遍貼字樣以示不昧後遺  
銀者至說符物色數月即刻還之酬謝不受

楊六藝高凌阜營人字貫一太學生也天性豪爽慷慨  
好義不問親疎遇困乏者輒周給之有婚葬力不贍者  
極力助濟而未嘗有德色好結納嘉賓燕會有座上客  
常滿樽中酒不空之風

侯文炳生員性英烈品行孝義赴胞叔難殞命邑侯之

表其門曰英烈堪恤教諭米糧表其門曰孝義可風  
令熊恩綬又賜匾曰義重倫常

陳爾達字子上由生員入太學例授州同知賦性醇謹  
家雖世闊而嘗布衣蔬食遇貧窮婚喪者輒捐貲助之  
又有鬻子女者與之金而還其券無力讀書者代出館  
金一時願其力全者甚衆

陳其皓字迎旭由大學例授州同知家世華族性復豪  
爽嘗設藥室以濟貧病又邑令李公遭火危丁內艱不

成安縣志

卷之一

一行

三

壬戌  
精修

能旋里卽爲倡義首捐百金助之至於助婚喪施墓地  
羨不勝書要皆率性而行非勉也

成安縣志

文學

樊正域字海截自幼聰明穎異入泮後督學李光地奇其才選爲貢元後李遷本省督憲又提至蓮花書院肄業凡六經與義以及諸子百家俱頗有會心至戊子科鄉薦登辛丑科進士選授富民縣知縣以清慎勤行取陞戶部主事又陞員外郎遞因病告歸二十餘年杜門不出卽鄉黨多有未識面者本府太守吳谷舉鄉飲大成安縣志

卷之二 文學

壬戌續修

賓復贈匾鄉國達尊四字以風士庶貢生樊倫杉授通州訓導乃其子也

朱鳴字岐音號雪巢氣體清超爲文仿韓柳歐蘇詩詞歌賦亦各有體裁一時推爲宿學督學李經茲邑請至館訂論古今辨晰名理督學傾耳因推重之曰乃前輩先生癸卯歲領鄉薦所著有雪巢吟

斯方升字旭輪貢士也居井漳堡村前修志採縣學貢士名國璽卽方升父也治喪事悉依文公家禮不從俗

習方升暑父喪俱如其父三年不入內舍負郭設塾不計修金貧者且資給之屢賓於鄉邑侯折節與交從不干謁馬公獎之曰有高士風

樊灝字望子邑貢士性聰敏博學工文監生董晟開設義學以灝爲師來學者有成安磁州邯鄲肥鄉廣平臨漳魏縣七處人歷二十五年成就諸生二百餘人

武濯字漢水號千柳以善講五經名世四方來學者甚衆於城東沙河村植柳千株置亭於其內題曰千柳亭

成安縣志

卷之二

文學

二

壬戌續修

朝夕吟咏其間邑侯馬昇慕其高志贈以經學鴻儒匾額

朱京字會極號守一嗜學不厭家貧夜讀無油嘗點細

香照字邑侯朱閩而助之膏火年十八入庠寓讀於鳳

凰臺就其切磋者十八人後皆爲知名士同榜陳均其

一也儒學鍾延爲西賓門人鍾光序同登庚午鄉榜二

上公車皆呈薦不售因嘆曰命也乃不復言塲屋事設

教於樂育堂謹言行嚴操守足述不履公門邑侯李內

翰能嘗造訪焉而稱爲滹臺滅明

朱章字大文聰明過人以家貧十四歲始讀書受教於兄三年卽能文十八歲入座二十歲食廩鎮南遊遇同人後以元燈歸而肆志焉不解交者三月豁然有悟說書不歸前人講義但玩白文自與吻合衡文得失無或爽者乾隆十七年以恩貢京師

楊毓靈字蕊輝號東園前明辛未進士楊調鼎之裔也幼而聰慧中丙子副榜乙酉舉於鄉同榜郭文銓其門成安縣志

卷之二

文學

三

壬戌  
續修

人也歷任香河大成教諭旋秉邢州錄事目凌辱庠生靈曰斯文掃地矣須教官何爲遂白之學憲生員獲直閣學無不敬服後卒於官諸生執紼送者百有餘里郭文銓字中選號野塘郭家村人善文工詩乙酉舉於鄉諸生遊其門者甚衆後授豐潤縣教諭

牛體仁字會一號蘭溪漳河集人五歲失怙六七歲卽知讀書家貧不能延師其母文安縣吳郭舉人歷任濟寧州知州高令樹之女少知書日授小學論孟內而請



有鄰人增生師相愛其器不束修而教焉十七歲入泮  
恩科舉於鄉彙視爲業遊於門者甚衆

趙廷儀字文甫縣學廩生北漳堡人也性嚴正喜讀書  
七歲受父聞書聲卽訴於母馮氏而求學焉入庠後設  
帳於家立訓先德行後文章課文以大家爲骨時文爲  
肉及門有過雖長亦夏楚加之從學成名者二十餘人  
成邑稱嚴師焉

朱翕字璘若品行端方博極羣書家訓嚴肅教子讀書

成安縣志

卷之二

文學

四

壬戌  
續修

不容少有意忽訓迪生徒務令各成一體以貢選授沙  
河縣訓導嚴道範趨向謀士有法邑之士皆謂得師範  
焉三子俱以貢顯

朱世瑞字輯廷號拙存天資超邁讀書五行俱下精書  
法善吟咏落筆數千言立就未嘗加點以弱冠補弟子  
員時負笈蓮池共筆硯者咸推爲河朔冠冕辛酉科選  
拔遊成均大司成錢每與語輒歎曰先輩元燈於斯未  
墜後竟屢困棘園遂絕意仕進然性好獎勵後學一時

...其傳爲文皆莊雅可觀後錄選安...  
廣德州州判以年老未就所著有候蟲吟志忘隨筆拙  
存詩鈔諸集


朱世瑗字念遠賦性狷介孑然自守尺寸不踰爲諸生  
時城城市喧囂遷於鄉隱居教授一時生徒沐其化皆  
能立身砥行爲端人終其身未嘗至公庭惟接人以和  
絕口不言世事家愈貧而學益方後舉明經無意仕進  
一時重之有苦節可貞之論

成安縣志

之二 文學

五

壬戌 續修



成安縣志

節孝

都氏安起良妻年二十九歲夫亡守節至八十一歲縣令馬晃表其門

王氏劉潛妻年十九歲而寡撫孤守節至老縣令馬晃表其門

池氏苑成維妻母家邢臺縣一日歸寧路遇安有民欲汚之歐傷額顛眼誓死不從投井死雍正五年題旌

成安縣志

卷之二

節孝

壬戌

續修

王氏邑庠生楊宏猷之妻夫亡姑一日雙瞽氏奉事盡孝撫子芸以義方好施予捐貲五百金修本縣儒學雍正

正十二年題旌建坊

馮女馮秉信之女許字陳洞未及于歸洞亡即往哭之絕粒而死雍正十三年題旌

侯氏劉其清妻年二十三歲夫亡祖姑劉氏八十三歲氏守節孝養乾隆二年題旌

崔氏程爾明妻同里有程偏子者伺氏獨居以誠言挑

之氏嘗罵不從羞忿自縊乾隆二年 題旌

高氏奉法才妻法才他出鄰人申一小突入欲污之氏

堅拒之投井死乾隆八年 題旌

朱氏安辰妻年二十四歲夫亡遺孤甫二月守節撫之

成立有司聞之 題明旌表建立節孝石坊

侯氏劉奇清之妻賦性聰敏少習女經四書及列女諸

篇年二十夫亡守節至七十餘歲邑侯趙元祚聞而旌

表焉

成安縣志

卷之二

節孝

二

壬戌 續修

秦氏任燦妻年二十歲夫歿無子姑多病織紡奉養年

六十而卒邑侯 匾其門口貞節

靳氏監生霍純禮妻年十七歲生子景堯甫三月夫亡

撫養遺孤年七十有二邑侯徐 表其門口節並松筠

張氏儒童陳郎之妻年十七于歸月餘夫中煤毒而死

氏即誓以身殉翁姑痛哭勸諭氏遂毀容截髮納夫棺

永無二志年五十六歲奉文 題明旌表建坊後不期

年而卒

表其門曰孝行可風

暴氏劉作楫妻年十九歲夫卒事孀姑撫弱子乾隆十三年奉有司題表建坊

郝氏姜中選妻中選幼失恃事繼母如事生母及中選歿氏堅持苦節督學沈旌以貞於慈行

郝氏生員廉楷之妻性和順有節烈楷病氏曰汝死吾即從汝死楷歿後歸寧即還俟子安寢從容自盡督學旌其烈載藝文

成安縣志

卷之二

節孝

四

壬戌續修

厲氏監生任澤厚之妻自二十三歲守寡遺一子瑯撫之成立娶本邑劉氏後瑯亡遺一子長毓桓次毓楠桓娶臨漳縣劉氏楠娶磁州張氏楠婚後夫婦即亡桓亦不逾年而卒劉氏方二十四歲三世孀居督學贈曰一門苦節

王氏內閣官生樊倫楷之妻二十歲守寡奉養翁姑克盡婦職堅守苦節督學表其門曰玉潔冰清

胡氏宋儀之妻自二十歲孀居撫幼子成立守節五十

餘年

王氏余之信妻姑病屢藥不效乃割股療之姑獲痊無恙

李氏馮貴妻夜被火四鄰奔救氏以裸體不肯出其夫赴火援之終不出竟焚死

李氏朱萬妻年十七歲夫亡遺腹生子撫之成立守節四十八年

王氏監生郭璽妻年十九歲夫亡子甫數月矢志守節

成安縣志

卷之二

節孝

五

壬戌續修

撫孤成立嘗有盜夜入其室氏攜子執利刃叱曰此寡婦家也賊不敢犯其膽識如此里党由是愈敬而重之

焉

姜氏王秉思妾年二十五歲秉思亡姜守節撫育孤子璋長成娶婦邵氏年二十一歲璋亡邵亦守節姜年八十一歲卒邵八十二歲卒

李氏監生陳肱妻年二十一歲夫亡守節至六十一歲卒

馮氏周繼穆妻年十八穆歿遺腹生子撫之成立守節至老

任氏任明哲妻十九歲夫亡撫孤守節至七十六歲而終

劉氏庠生秦宏基妻年二十歲夫亡守節撫孤翁年七十餘歲病卧不起氏奉事數年孝謹脩至里黨莫不稱之

梁氏黑煒妻年二十一歲夫亡撫孤守節至六十八歲

成安縣志

卷之二

節孝

六

壬戌續修

而卒

趙氏韓淑文妻年十八歲夫亡遺孤甫數月撫之成立守節至老

王氏翟處仁妻年二十六守寡遺孤甫七月撫之成立守節至六十歲

閻氏任世傑妻二十五歲世傑病故閻氏守節至老

侯氏李本立之妻年十八歲而寡守節至老

王氏安澤妻十七歲夫卒遺腹生子翁年七十餘歲  
同五年侍奉湯藥辛苦備嘗至八十餘歲卒

王氏溫騰微妻十九歲夫亡守節至老

任氏邵祥妻二十二歲夫故守節至老

王氏王特拔妻室二十八歲夫亡守節至老

李氏靳君好妻二十歲夫歿守節至老

王氏王之瑞妻二十三歲而寡撫孤守節至老

侯氏庠生王之璧妻二十五歲而寡撫孤守節至老

成安縣志

卷之二

節孝

七

續修

康氏劉復起之妻夫卒時氏年十八撫孤守節至老

馬氏王源浩妻夫故氏年二十有一遺孤尚在襁褓守

節終身以上錄府志

張女名存姐十七歲被人調姦不從自勒身死乾隆五

十四年奉題旌表建坊

朱氏秦廷選妻因被人強姦不從立時殺死嘉慶四年

奉題旌表建坊

丁氏監生張作桃之妻監生張文標之母也二十一歲



夫亡標尙未盈週不逾年翁亦亡氏上事孀姑下撫幼子年五十四而卒以下七十二條邑侯孫培曾侯賜匾旌其門

遼氏監生陳其腺之妻年二十三孀居一子僅四歲事翁育子終身勤儉親族稱善焉年七十而卒

張氏童生吳瓚妻二十一歲夫卒子女俱無守節終身

程氏宋之屏妻二十歲守寡子廷樞始八月至乾隆五

十五年考中 恩貢時程氏年已八十餘歲其子有

祝母壽詩云八十年華世所稀而今且喜得慈幃愧無

成安縣志 卷之二 節孝 八 王成 續修

甘肅調三鼎剩有會孫繞四圍百里何妨負仰米一庭

常得舞萊衣堂前菽水承歡日遙望南山鸞翠微

武氏霍維周妻姑病夫亦病氏事兩病人始終不怠後

夫卒遺二孤艱苦備嘗事姑養生送死無不盡禮八十

歲學宮獎之八十二歲而終

李氏監生霍藩周妻裴氏其子生員思明妻李生思明

未週而夫歿李年二十思明故裴年二十有三無子女

姑媳寧志守節李卒年七十三裴卒年八十

李氏趙元善妻年二十二夫卒守節至老

秦氏樊士元妻年二十三夫亡撫子守節至老

王氏李五鳳妻十九歲夫亡守節至老

李氏程掄元妻年二十七歲夫卒無子奉姑守節至老

吳氏李彰先妻夫亡遺子成甫八歲成娶曹氏成亦亡

吳撫媳至七十五歲而終

鄭氏李庭標妻年十九而寡一子僅六月其子至二十

餘歲而亡其孫至二十四歲亦亡氏卒年八十二

成安縣志

卷之二

節孝

九

壬戌續修

馮氏葛名起妻年二十夫亡子僅週歲守節至老

王氏李作林妻二十三歲寡居無子至七十餘歲而終

于氏梁文煥妻年二十五夫卒氏欲殉姑泣曰汝死吾

一人何人奉養氏乃止姑卒翁又娶張氏性悍氏委曲

奉養張亦感悟四十八歲而卒

徐氏于旭華妻十九歲夫卒家貧撫孤守節至老

王氏節其產妻年二十三夫卒織紡以奉翁姑撫幼子

歷四十六載

吳氏崔見龍妻年二十四夫亡守節至老

張氏安綸妻生員爾端之母也二十三歲守寡翁姑俱  
七旬餘爾端甫六月歷四十餘年而卒

侯氏李雲妻二十二歲夫亡八十六歲而卒

王氏生員趙鳳翔繼室劉氏鳳翔弟鳳閣妻張氏鳳翔  
孫銘妻鳳翔死遺二子含珮含琮俱幼鳳閣又死無  
子王以季子琮奉劉同君守志初氏翁生員麟性嚴峻  
動繩家人以禮法玉繩事之咸得其歡以迄喪葬無少

成安縣志

卷之二

節孝

十

王戊  
續修

間嚴督二子皆補博士弟子閣學紳士舉王氏督學莊  
旌以匾曰松筠勁節後復欲舉劉劉曰吾嫂舉節吾舉  
也堅辭之琮於劉亦善承色笑母子若忘其爲繼嗣者  
珮子銘年十八娶張氏僅一載銘死遺子甫彌月張年  
十八上奉兩祖母下撫藐孤垂三十年成完節而逝  
郭氏于大章妻十八歲夫亡遺子鶴甫一歲氏欲矢志  
殉夫因子未成立乃止及子完婚之後遂自縊

張氏張大奎妻二十二歲夫卒守節至老

李氏侯建功妻二十四歲夫歿事姑撫孤守節終身  
郭氏監生劉文成妻二十五歲夫卒守節至老  
蔡氏段大成妻康熙辛丑科進士樊正域之孫女年二  
十二守節無子同孀弟妹撫四齡孤子年六十而終  
張氏郭子齊妻年十七夫亡之嗣撫胞姪名爲嗣子訓  
孫紱麟入泮年六十而終

王氏郭履乾妻二十歲夫亡矢志殉夫翁姑勸曰死者  
固可痛我二老可驟舍乎氏乃止越三月遺腹生子名  
成安縣志

卷之二 節孝 十一 王成續修

峻王事親恤孤鄉黨稱孝慈無異詞卒年八十  
陳氏李登苞妻十八歲夫亡守節三十八年而終  
宋氏王觀會妻十八歲夫亡守節歷年五十有餘  
師氏童生遂襄麟之妻年十七孀居子女俱無事舅姑  
里黨咸稱孝婦無異詞至七十七歲而終  
黃氏生員邵倬之妻也年二十夫亡無子守節至老  
李氏邵倬妻生員邵居正之母也二十二歲夫亡居正  
甫五齡旣長娶任氏後亦亡任氏方二十二歲之嗣姑

媳堅守苦節李氏七十歲而卒任氏現年六十六歲

王氏監生邵侯妻二十四歲孀居姑屢病氏左右扶持朝夕不離親操織紡以撫孤子現年六十五歲

程氏溫際泰妻生員溫獻麟之母也二十二歲孀居麟甫三歲孝事舅姑黨里稱之現年六十九歲

遂氏江華縣知縣遂綢之女黃元士之妻年二十孀居乏嗣翁姑俱老事之較夫在更殷現年五十一歲

晉氏梁堂妻二十一歲守寡子女俱無其胞姪襁褓時

成安縣志

卷之二

節孝

十二

壬戌續修

卽時恃氏撫養不啻己子現年六十一歲

蔡氏王法周妻十九歲夫卒越七月獲一子氏上事翁

姑下訓幼子現年五十三歲

井氏王新甫妻年二十二夫死奉姑撫孤現年六十歲

馬氏儒童王麒妻夫死氏十八歲姑老子幼氏紡織孝

養現年六十六歲

張氏米粟妻夫死年二十四姑老子幼氏養誨維殷子

娶董氏年二十四而死董年二十六遺一子董永漿不

入口者三日張勸曰爾當法我董方飲食張曰沒  
年六十九歲

唐氏儒童馬克溫妻年二十夫死立志殉死族婦交勸  
乃止現年五十三歲

李氏郭範安妻二十五歲守寡子甫四歲以紡織奉侍  
翁姑現年六十八歲

韓氏王行中妻十九歲夫卒之嗣欲以死殉其姑泣勸  
乃止現年六十五歲

成安縣志

卷之二

節孝

十三

王成  
續修

王氏賈繼堯妻二十一歲孀居無子事翁姑鄰人咸稱  
其賢現年六十七歲

喬氏閻起家妻二十歲孤苦守節現年七十九歲

鄭氏張光妻自二十二歲守節現年八十歲

陰氏吳嗣戴妻年十九夫亡撫孤現年五十五歲

孫氏段大章妻二十一歲守節現年八十歲

韓氏段懷吉妻二十二歲守寡現年六十歲許氏段擇

吉妻二十三歲守寡現年六十五歲

潘氏李逢辰妻二十二歲守寡現年六十七歲

張門許氏二十二歲守節現年六十有餘

郭氏趙士儉妻二十四歲守節家貧奉翁姑以孝聞現年六十有餘

靳氏許士璧妻二十歲夫卒撫孤守節現年七十歲

李氏王燦妻二十歲守寡生子僅一週越三年姑得癰症氏親事湯藥九年現年五十五歲

朱氏王成妻二十三歲守寡子元吉甫二歲與兄嫂同

成安縣志

卷之二

節孝

十四

王成續修

嬰後兄嫂沒遺三子俱幼產不足人勸氏析居氏曰姪未成立而析居不義撫育與已子無異十餘年三姪咸爲之婚配皆氏經營也現年六十二歲

張氏薛某妻十六歲孀居無子現年五十一歲

宋氏侯士欽妻生員侯錫齡之母二十四歲夫卒姑有弱疾氏奉養無怠及姑卒典衣治喪現年七十五歲

高氏趙國珍妻監生趙玉明之母二十二歲守寡明甫二歲事親撫孤現年六十七歲

申氏郭溥妻二十三歲夫亡撫孤守節現年六十二歲  
李氏宋大緯妻二十四歲夫卒現年八十二歲

陰氏李文真妻夫病危謂曰汝年少吾死汝之終身何  
處乎氏泣下曰願從夫死其夫曰家貧母老女方三歲  
汝死吾母女將誰依及夫亡氏年二十一歲卽謹遵夫  
言矢志冰潔現年五十八歲

程氏李能燦妻十八歲夫亡孝事翁姑現年六十七歲

袁氏朱敬妻二十二歲夫亡事翁姑撫幼子克盡孝慈

成安縣志

卷之二

節孝

十五

壬戌  
續修

現年七十三歲

李氏李玉重妻二十四歲夫卒現年七十一歲

尚氏郭鏞妻自十七歲孀居矢志冰潔歷四十載如一

日現年五十八歲

王氏王達妻監生王尊德之母二十六歲守節現年八

十一歲

趙氏生員王孟德妻二十四歲守節現年六十八歲

李氏王智妻生員王儀則之祖母也二十二歲守節現



年六十五歲

張氏王敬修妻二十二歲夫故撫孤守節現年六十歲  
程氏李介妻生員李含章之母十九歲夫歿遺子甫三  
月子長娶高氏入泮後旋亡氏現年六十一歲

張氏霍崇倫妻生子力耕甫三歲崇倫身故氏年二十  
歲姑老疾家計無資氏惟紡織奉姑子既長娶妻亦張  
氏子旋亡姑因思子雙目失明氏每禱神佑至十八載  
姑目復明如故氏現年六十一歲

成安縣志

卷之二

節孝

十六

王成  
續修

成安縣志

藝文

原縣

明陳裴



六國趙時縣有成安名趙王歇因以封陳餘為成安君  
非先封而邑後名也訓者曰成善也平也安土也定也  
若邑之可稔而安居也然是邑一號斥邱漢書謂地多  
斥鹵故云水經謂城南有赤邱因邱以氏縣嗚呼惟其  
赤所以斥也豈盡成且安哉禹貢稱冀州厥土惟白壤  
厥賦為上上今稱赤而且斥乃地利之不同歟抑人力  
之未盡與觀之揚州厥土泥塗厥田下下而今為沃壤  
之區謂非人力之勝地利耶牧土者能轉斥而為沃壤  
惟治成而民安亦名成而身安

開漳河故道議

郡人王今遠

天下利害之故有出於人事之外者總前後而稔籌之  
而其說乃立於無可易因物之性順土之宜謀於其始  
而慎而勞庶不虛規於其利而多而終乃無悔此非可

成安縣志

卷之二

藝文

壬戌續修

以不習之情形泥一成之意見也按水經漳水之流  
二其一曰清漳出山西沾縣之大屯谷一曰濁漳出山  
西長子縣之鹿谷山派分流合入河南武安黍窟谷而  
爲一水性湍悍迅急挾沙石沮洳以俱下嘗其衝者高  
岸爲谷深谷爲陵蓋自鄴以北土疏而地衍無山險麓  
阻以東其勢無川窪澤滙以瀉其威泛濫浸淫惟其所  
向故中間若臨漳列入斥丘數被沉災披圖可索也比  
年以來全漳入衛下流有歸始無橫噬之虞而廣大二

成安縣志

卷之二

藝文

二

王戊  
續修

屬尙不免小有遷徙如成安以數里之塞而魏縣遂改  
北而之南則故道開濬之說誠不可不急爲講明夫魏  
邑以孤城逼水隘城之背則大河而其面則支派也每  
當夏秋泛溢兩水分注水落之後則南河復涸而以北  
河爲經流今忽併滙而南無隄岸以固之無溝渠以洩  
之陘山沙礮之塲將不免澤國之憂於是勞數里人工  
復數年故道計之得宜宜無踰此者雖然此正不可以  
無慮蓋凡爲開濬之談者謂故道不遠祇以上流梗死

取而濟之自復其常耳顧未識所云故道者其置懷於  
績之舊與抑水勢靡定漸移漸啗於此稍久因而日之  
者與考漳水自西門豹史起韋景駿後歷唐宋以來享  
其利者數世非怒之於古穀也其時逼附黃河有巨瀆  
以畜之故獲所注而不遺耳迨至黃水南徙而平于天  
雄二郡遂爲衝漳之窟宅歷考郡乘所謂古漳河者更  
僕數不盡大抵今城南決明年北移今曲周廣平肥鄉  
諸處村里民居淤填及半棟額柱柱有僅僅可見者當  
成安縣志

卷之二

藝文

三

壬戌  
續修

其湯溢蓋鑿券而炊編木而巢幸而陽侯退舍而一石  
水已餘五斗泥濘者趨流順適之地渺不可問矣當是  
時豈無故道可挽而相視而莫救則勢不可也水之性  
地之宜實有出於人事之外不得不總前後而稔籌之  
也且夫計水之利害者當因其勢而順導之况漳之爲  
水又非可與凡水並論今日之故道鄗徃田之新河徙  
以下流稍通是以無疇昔之害如今挽而逆之水之所  
趨障之使歸水之所舍強之以入挑濟之後保不復淤

滯乎淤滯之後可不再挑濬乎去則煩畚鍤之功來復  
成平陸之地數數然伺水之間而奪之流而卒不勝也  
不幾於勞而罔績乎且何不用之全漳人衛之先不用  
之曲周廣平肥鄉之舊也則人事之無權昔之人固知  
之也然則其在於今計惟有疏而瀹之耳水之所欲卽  
以予之而爲之寬其地利其淤使之暢流就下而已矣  
昔江夏陳鑿之議固已及此此則事之可行者倘必曰  
故道之尋漳之爲漳其能屈曲以從人哉夫瓠子之塞  
河復舊道然當其時特決而出耳而故道未嘗壅也宋  
時六塔之議斤斤故道而迄無成功黃水關天下之大  
計而不能舉天下之力以回之也則漳河可推也是固  
利害之數也

成安縣志

卷之二

藝文

四

王成  
續修

重修學宮記

督學吳應葵

成安地隸邦畿舊建學宮爲漳水所圯僅存基址邑令  
徐君時作捐俸重葺而教諭鍾曙悉力經營庀材董役  
百種具有方法余督試廣平特赴成邑見廟廡規制漸

而工力殊艱屬諸生共加擊畫紳士好義聞風  
各爲勸助于是堊簾畫拱照耀琳琅向之菑翳榛莽  
屹然成鉅觀矣夫學校之興廢實於有司政績相關如  
唐之處州刺史李繁宋之袁州牧租無擇穀城令狄栗  
慈溪令林肇皆以創葺廟學聲問彪炳史冊推爲循吏  
有視教學非急務諉諸一二學博而爲學博者或苟簡  
頽挫縮手坐觀教事遂以不振今徐君克知政治本末  
爲邑中紳士率先汲汲惟修舉廢墜是圖教諭鍾復能  
成安縣志

卷之二

藝文

五

壬戌

續修

均心一力相與有成爾多士仰宮牆之巍峻觀車服之  
輝煌揖讓咏歌粹然標醇儒之選他日登朝拜獻敷布  
事功自政教非一途發舒優裕余式憑輶軒來訪善俗  
得拜手而慶盛化之久道化成不亦幸乎是爲記

栢寺營重修關帝廟記

容城舉人孫奇逢

侯生於漢季山右之蒲州與昭烈桓侯義結桃園歷艱  
難險阻流離顛沛者不知凡幾三人至死而盟愈堅詎  
遂竟絕千古人無論智愚賢不肖莫不仰慕之威靈歟

而畏之即素稱訶佛罵祖者獨於侯肅然欽容罔敢輕  
慢余家自祀祖考外無別奉獨有侯小像一軸歲時掃  
屋清几懸而莊事之後見鹿太常善繼家亦懸侯像每  
有疑事告虔請質應如響因爲予言行造其極之謂聖  
伯夷一清字足色遂爲聖之清伊尹一任字足色遂爲  
聖之任柳下惠一和字足色遂爲聖之和侯平生所知  
惟義之一字故云日在天上心在人中試觀一生行事  
自桃園起家以至樊城畢命無一事不秉義而行豈無  
成安縣志

卷之二

藝文

六

壬戌  
精修

過中之處然無迴護無掩飾正如日月之食皆見皆仰  
所謂仁中過智中愚其足色處正是其証聖處耳聖而  
不可知之之謂神千古英靈久而愈著者總皆義所流  
露煥發誠不可掩正如此余曰古來名將守義如侯者  
不少而聲靈赫濯莫與京焉即如堯舜禹文周孔其生  
安至聖與天同體同用而以問之愚亦有所不知何也  
善繼曰至誠如神顯微無間不必赫濯不必不赫濯古  
來名將豈以沒無威靈滅生前聲價然侯之愈彰顯於

沒後者人謂其以火帝遇文明而發或亦其運會之適  
然者與至若堯舜孔子則猶天也仁義禮智皆四時之  
使而効靈於天者也天之體不可見而効靈者則燿  
人耳目之表然至聖之昭露必借五德爲發皇故論俎  
豆宮墻之真脈絡斷當以忠孝節義一流人爲配饗尼  
山志在春秋史稱侯喜讀春秋千秋大義獨得其真卽  
以侯爲聖之義亦可余服膺此語三十年庚寅暮春過  
成安南十五里許之柏寺營訪李生童童太常門人也  
其友王元鑣謂其鄉信有侯祠三楹拜殿如之門以內  
僧舍三間年深傾圮茲重修僉議立石以垂永久因問  
記於余余思侯之生平大節古今昭然奚煩贅頌第述  
與太常善繼語以告屢於侯并贊之其鄉紳士父老

### 思安堂記

邑侯趙元祚

成署一堂久圯且無廡房形勢散漫弗束余修而勦之  
兩翼各建三楹大堂後添門一座以謹出入氣爲之固  
題曰思安堂蓋因成安而顯名思義也安之難也自謂



必有不安者矣邑雖彈丸不下萬戶士習於浮  
而無實學則不安民習於惰而無恒業則不安工習於  
僞商習於欺而以虛情相往來則不安鼠牙雀角涉於  
耳而聽斷少偏良苗稊莠淆於目而是非罔辨催科不  
善而刑罰不中則不安祈寒暑雨之怨咨餒腹凍肌之  
無告雀影犬聲之竊發耨鋤機杼之或擾以及水旱災  
傷之偶逢有一於此則皆不安然而坐斯堂也可不思  
乎思所以噢咻之思所以禮席之思所以變化之思所  
以薰陶之思朝夕納吾赤子於方寸中而惟恐其不安也  
則庶乎成其爲安然而難矣可不思乎此堂之所由名  
歟

成安縣志

卷之二

藝文

八

壬戌  
續修

化兒店義學碑記

邑人朱京

學校風俗人才之本古者春秋教以禮樂冬夏教以詩  
書雖有選士俊士造士進士之不同而莫不由鄉誠以  
鄉學者教化之始基也方今道隆化洽自京師以及郡  
縣衛所

明廷既皆爲設立義宮以爲養育之地卽下至有力之家亦莫不敦請名儒以訓其子弟而僻壤窮鄉延師而力有不足卽聯屬數家共出館金亦辦興時廢而不能傳諸久遠於是乾隆十一年劉中合志同謀建立義學而縣父母亦樂成其事共捐地四十畝至明年之春建房三楹教學有地則子弟之耳目心思不奪於外誘而日起有功數年之間入黌序者已有數人從此而更歷年所薰陶日深人才益出風俗益淳家皆孝子悌弟士悉成安縣志

卷之二

藝文

九

壬戌續修

有敵有爲無不可預爲卜之惟願後之人守而勿替也是爲記

李公禁約碑記

碑在北漳堡村

邑人趙廷儀

循良之政莫先養民養民之方不皆創作惟因民之所利而利之相其土性時宜觀其民情習俗以去其弊以善其規以承其法俾勿壞而已成邑北漳堡等村土多沙性惟利木棉木棉之爲物經霜降而苗斯老屆立冬

始完故十月之候地主司其藎貧民拾其遺此亦

自然之利民物自然之情也近年來拾花陋習  
甚一歲致地主不獲其利 國計民生幾無所措矣迄

乾隆丁酉九月初旬附近村落男婦蜂屯蟻聚覆瓦  
椽於筐篋藏刀斧於囊橐來如擁壁其鋒莫當守望者  
首辟易數里習俗之弊將伊於胡底哉噫俗本善而有  
弊者規之未善也規已善而仍有弊者法之不永也我  
邑侯於各鄉具稟之時委員差役嚴拿懲究旋復親臨  
彈壓則預先閱捨之弊去矣傳檄懸書十月初一日視

成安縣志

卷之二

藝文

十

壬戌  
續修

收獲完否方許拾遺則獲後檢拾之規善矣又恐歲久  
不遵立約示禁命勒石以垂久遠則十月拾遺之法永  
矣斯時承侯之命以勒於石者生員霍錫李玉章也而  
索記於余以頌侯之德余曰蒞斯土行斯政養斯民謀  
天地自然之利酌民物自然之情一爲之樽節善良者  
安貪頑者化侯之德也且嘗閱磁州志見有所謂開渠  
引水田記開口記其關於養民之政者指不勝屈成安  
志所載前明者創立書院無是說矣而關於厚民生

化源者已有故事記丈田記學田記異日有來牧成  
留心實政纂修邑乘者於創建僧會司重修說法堂而  
築鳳凰臺以及無關祀典之諸廟訖忽續而標之曰禁  
約碑此其孰得孰失必有能辨之者余豈作佞詞以媚  
侯耶亦不過記其事記其人以勿壞此法已耳爰滿筆  
而爲之記曰禁約拾花邑侯李公也公諱國麟字魯言  
壬申科進士安徽懷寧縣人

馬節婦文

邑侯李聯璧

成安縣志

卷之二

藝文

十一

壬戌

續修

余嘗博覽傳記遇有忠孝廉節可爲風化之助者輒流  
連感歎編爲詩歌以風諭鄉曲我

皇上御極之三十有一年余授成安令適有紳士朱世瑞申

自天等以節孝來告於子曰邑東沙河村有馬母張太  
孺人故太學生馬龍圖之配今太學生馬琰之母厚德  
含貞清姿標潔早歲輟悲鴛寡鳩力事姑寒暑頻盡  
灰苦心訓子陡當女事躬身綉棺之無悔婦也如兒  
際危時以恃以怡之兼資母分卽父茹荼蓼者三十七

新歲傲霜雪者六十一年對五夜之機絲頻施村柚瑞  
門之牖戶屢費縑繆持家而事各有條睦族而恩周舉  
火古所稱女中丈夫非耶余聞之感歎以爲是乾坤正  
氣結成忠義之花家世清風吹出孝慈之誦表厥里居  
樹之芳馨固其宜也會逢軒猷戾止賜節孝可風四字  
以旌之出予宇下實予之光也能不褒揚以爲鄉愚勸  
作歌曰相夫子兮先代是程事舅姑兮色養以終三十  
七年兮苦雨酸風六十一歲兮翠柏蒼松製被剝薦兮陶  
成安縣志

卷之二 藝文

十三

壬戌 續修

孟高踪允能畫荻兮歐柳芳型然而甘節吉苦節尚蓋  
爲優柔而平正兮是乃得乎中庸行見魚軒而象服兮  
將獲邀乎

一政云爾

馬節婦文

邑侯孫培曾

懿譚閨範流芳順從爲義母儀爲訓節孝爲先所以樹  
之風聲用勵鄉閭之化表厥宅里聿昭宏獎之休堪

草素以揚徽亦附官形而誌美沙河

一編人

乃已故太學生馬龍圖之配太學生馬珙之

庶膳生馬勝雲之祖母也青年勵志白首完貞矢靡他

而之流知如此而無生歷六十一歲之春秋相與

壽三十七年之寒暑井水盟心薦蘋藻於慈姑

營生之策授經書於弱息荻灰驗教子之勤孝行與節

義同堅苦雨與凄風並咽陳孝婦之養姑以孝學有殊

與楚貞姬之守志終貞無以異也以故名稱嘖嘖今

成安縣志

卷之二

藝文

十三

五

洋洋閭里增輝久被

憲臺之旌獎芸編紀蹟

邑宰之光榮賞善有同心還自恨嗣音之晚旌門及

媛聊以當化理之資茲值歸窆之辰用挾巴詞以贈

作歌曰憶閭範兮苦節可風仰婦德兮懿美是程松

著節兮三十七載之芳踪永霜矢志兮六十一年之

型將見如綸如綉兮宜膺

一從命更歷千秋萬歲兮永垂簡冊之令名

聖德宮碑記

邑人

成邑

文廟座落城內東南地勢低窪土脈鹹澀創建年久而水淋漓殿宇滲漏墻垣傾頽嘉慶二年曾經前任譚公倡舉興修設法勸捐商同儒學余公遴選紳士遂續等十二人督理興工甫經籌辦旋因丁艱知事陶公接署僅將大成聖殿修整亦即中止予於二年仲秋任事查勘情形計工

雖屬浩繁理當竭力全修庶無殘缺參差可以伸誠敬而壯觀瞻詢諸紳士無不踴躍樂從遂令紳士遂續等

成安縣志

卷之二

藝文

十四

壬戌續修

循舊經理購料鳩工以董其成予亦不時親躬指示督率修理迄今兩載以來外則查照舊捐陸續催收內則凡有公項悉行添補茲將前後殿廡門墻池壁祠閣以及明倫堂學署普律增修一體煥然夫黌宮之設原以崇尚儒術而爲

國家育養人才也成邑數十年來文風頹靡科第久虛豈斯文之不振與抑學校盛衰之故皆由人事與茲當學宮重新之際固宜敬謹保守加之歲修以期永固而

列門墻之內者又不可不爭自琢磨相與有成上以訓  
作人之化下以增學校之光唐幾以引以翼相觀而善  
有以鼓舞後學於不替此固賴主文教者之維持於其  
際而亦建修者之企望於不容已也

創建聯暉書院碑記

邑侯孫培曾

成邑說法臺縣志所載八景之一也流傳以來傾圮已  
久大名道憲王 廣平府憲蕭 過而訪其舊址命  
邑侯范公勸諭各邑捐修蓋以古蹟所在未便湮沒也

成安縣志

卷之二

藝文

十五

壬戌  
續修

既而築室道謀迄今無成時有近臺陽寺等七村紳士  
呈請邑侯免其每歲一切差徭以七村獨任其事遂  
准其請用是鳩工庀材陸續興作自乾隆五十九年始  
歷任邑侯皆仍舊貫數年雖未告竣亦頗規模粗就幾  
復當年觀瞻予於嘉慶三年仲秋來蒞茲土詢知縣無  
書院意欲興之苦無布置之方適七村紳士復請南臺  
功成後若仍免其差徭願於臺旁建立書院以作養人  
才此意不惟實獲我心且視踵修古蹟更覺切近



公以歎令張閱來泣吾邑時鄉民王輔陳魁賈現李

這等相繼赴愬且稱九年丈少之地糧無著落若以如

唯是仍考嘉靖二年故籍清丈嚴查庶糧得均平民

之痛苦公聞言太息曰嘻此吾職也于是述民之情

守郡守言司諸公咸聽之于時經土畫河定

安縣志

卷之十一 藝文

後縱橫覆豕則量人展其能方弓勾股別美夫人

之跡阡則坵長覆其數以坵爲綱繩量于無坵無

與社爲日日析而無流坵

在公所丈大畧相符而萬厯九年之

容其好矣是役也經始于甲申之冬告成于乙酉之春

盡費用民不逾數月而除積習之

變作用後生一

觀則所以慰士民之望而繫百世之

也

邑令

邑一室舊有匾曰思安堂並疏其義而鐫諸屏蓋自  
邑宰趙公所留也其意以爲邑名成安必先思其何以  
安而後可期其成此亦顧名思義之意也用心善矣予  
竊更有所見焉夫臨民者知其不安而欲安之則用吾  
思焉或當通會融沓之區紀綱不振胥吏爲奸風氣多  
乖豪強竊發以致窮黎嗷嗷雖求一日之安而不可得  
或欲改弦而更張之若何振作若何區畫非思之審而  
何以處之當若成邑素稱彈丸之地昔爲淳良之風士  
食舊德農服先疇工守高會之矩矱商遵先哲之軌物  
卽有鰥寡孤獨流離疾苦之人設院立局各止其所凡  
隸吾宇者日用飲食其樂昇平原有其自然之安無俟  
爲政者思之而後安也其或有不安者何差徂累之科  
歛苦之追呼之吏相望於閭閻苛刻之令興怨於婦子  
民其能安乎否耶當此而始閉閣靜思以爲何如則民  
安其所以安之者尙未得早無解於民之不安矣使蒞  
茲士者靖其爾位恪守官箴清靜居心一遵成憲本安

成安縣志

卷之二

藝文

十七

壬戌 續修

之外凡事之擾吾民者不敢一毫施於下俾民  
各守其業其相安於無事之天並不知何爲不安者之  
或戕者生也而民之安已喜形於色矣奚用思爲以是  
知民自有其安或思之而未必即得不若保之而無使  
或失故即思安堂而吏署之曰保安堂余以爲思蓋思  
其所未然保則保其所固有未然者尙不可必固有者  
自可相循也或者曰成邑之安焉知非前邑宰思之所  
留貽乎夫彼既盡其思而安已成矣余惟有保之云爾

成安縣志

卷之二

藝文

十八

壬戌  
續修

酌定社甲告示

邑侯孫培曾

爲順社以分村庄以定牌甲並重錢糧事照得錢糧出  
於地畝地畝隨乎村庄村庄分爲門牌門牌統以社甲  
是社甲以村庄而定村庄以社甲而分事本相因毫不可  
容亂今查成邑紅薄雖有一定之社甲而無一定之村  
庄有同住一村而在數社究糧者有同爲一甲而與數  
村相雜者紛紛外錯無可稽查以致催糧原差不能知  
其住址造冊望書反得私爲隱藏拖欠之弊從此起糧

漁之弊由此生雖曰舊規實非善政卽如今春芒湖里  
書李孟蒙等三人侵蝕肥已攤賠累人官項旣受其悞  
爾等親被其害此皆因紅簿內戶口叅雜村庄混亂無  
由稽查因循所致也本縣逐細查核自當亟爲更定查  
成邑共二十二社除河流屯衛二社其過割收除不出  
本社無庸改正外其餘各社擇其彼此相連之處酌定  
數庄合爲一社其村庄在此社而糧名在他社者盡行  
歸回其糧名在此社而村庄不在此社者概行扣除將  
成安縣志

卷之二 藝文

十九

壬戌  
續修

紅簿內按村分甲按甲列各按名註糧秩然不亂入目  
瞭然庶花戶無由隱匿里書無由糺混此於地糧爲有  
益而於爾等亦甚便也合行出示曉諭爲此示仰閭邑  
紳士庶民人等八年地糧本縣已飭里書查照爾等糧  
名各隨舊住村庄歸併新定社甲毋庸爾等過割嗣後  
凡有新買庄田卽照後開社村隨時過割毋得任意攙  
越倘社甲村庄旣定之後仍踰前轍鈎通里書混行挪  
移一經查出重懲不貸外違特示

古語有子又生子孫又生孫此謂瓜瓞綿綿非必謂為同堂也及我

朝則每以五世奏 聞者然耳治之而亦未嘗目治焉今何親睹其人也西彭留村有侯金貴者年八十有八是鄉書其長子統桓年六十有二次子玉桓年五十有一孫珍年三十有二次生子未敢必孫又生孫也乃其曾孫

則已

成安縣

陸無

然

有以培養乎元氣淪洽乎人心而然與其

贊

教諭宋鳳翼

賢後有志苦節堪傷盟心不失大義從一迥軌尋常方其離鸞別鶴欲截髮以相狗倏爾魂返神歸輒撫孤而苟痛惜幼子姑稱未亡畫荻心苦母教恩長爰婚配

至乾隆六十年始徙臨漳中間數十年地畝屢被水浸  
道路溝崖尙不能尋其舊址而地形安能今昔相符况  
魚鱗册地段果用丈田碑所載之弓而丈之與抑各用  
其鄉俗常用之弓而丈之與是皆未可知也故鱗册非  
謂盡不可憑而必謂盡屬可憑刻舟求劍見已執矣本  
縣請丈田碑非

時王之制聊置之無徵不信之列而更按照存庫官弓以鐵

鑄之刻石立記鑄其尺寸於左永爲定式嗣後民間賣

成安縣志

卷之二

藝文

二十一

王戊  
續修

買田土或其鄉風有常用之弓各從其便如呈控者概  
以官弓丈量以免紛紛滋擾至魚鱗册姑存之以備參  
考可耳是爲記

任毓樟傳

儒學教諭宋鳳翼

余識任君采庭久矣乙酉科朝考遇於旅舍一見如故  
有昂昂叔度之風相與語終日正言迥與淫游不根者  
別余竊意此百里才也榜後甄別必大器之孰意任兄  
與余俱以披砂笑矣爾時采庭謂余曰此小試耳歸里

振篋發書伏而讀之寧有持利器而不奪標者乎焉用  
是於是分袂出都門各歸故里而每歷寒暑不禁以不  
見采庭爲恨無何歷三十寒暑之庚申歲授成安教責  
未至任私喜曰幸矣得遇任兄矣歡然道故依依如前  
日事矣孰知事有大謬不然者甫至任謁其門庭人已  
云亡詢其嗣有子曰熾字炎生食廩餼邀而進見之崢  
嶸之態頗覺可人余嘆惜久之采庭可謂有子矣乃熾  
不以余爲淺陋索傳於余因不自揣卽以聞諸都人士  
成安縣志

卷之二

藝文

三

壬戌  
續修

者質述之任君諱毓棹號雪山采庭其字也與余同乙  
酉科拔貢幼穎異喜讀書稍長從邑人朱輯廷游益肆  
力於經史下筆輒落落不羣應童子試縣府院三場皆  
冠軍學憲莊大人器之欲客諸幕以家貧親老不就後  
歷歲科試屢次第一易水冉公司鐸成邑課諸生獨於  
任有國士之目年二十七歲拔貢拔以後家益貧志益  
勵不以困境累心惟以教授生徒讀書爲事非公事不  
至宰室嘗夜於隍廟讀書子半不輟結鹿鳴社以文會

友每一稱甫脫輒爲同人許可僉曰接青紫如拾芥也  
惜天不假之以壽中年而卒卒之日猶以未竟之志爲  
痛而屬其子焉

聯輝書院記

邑人于元龍

書院者作養人材之地也都有金臺省有蓮花府有清  
暉由來久矣而成邑之書院則自我侯始考之舊志蒞  
斯土而爲民牧者初建不一而足初建之有益於斯文  
亦不一而足如華州萊公南昌劉公安仁桂公李公宜

成安縣志

卷之二

藝文

三

壬戌  
結修

陽彭公其所以殷勤開導譽髦斯土者皆有所表見而  
未聞立書院卽署事楊公改社學爲育英書院亦偶然  
爾不旋踵而遂廢焉顧孰是於兩學之外別開講堂樹  
師長給膏火以大啟鐘鼓如我侯者侯自嘉慶三年來  
宰是邑越二年政通人和百弊俱除百廢俱舉獨文運  
否塞科第不開侯曰此無他由爲上者作之無其道也  
爰建書院於大成殿西雉兔魚口等十三村軍需差糧  
之費備其地而鳩工焉不一月講堂三間成門樓墻垣



講堂後上房三間東西房六間後西上房三間又東  
小房四間皆仍舊貫而補葺之規模既就取聯清隱書  
院之義又採五星聯輝之義者之聯聯收考四方生童  
月給膏火又自捐金刻篆猶壁靈本數百篇分爲四集  
教授生徒此其敷迪開示之功何如耶夫鐘鼓設而禮  
教興趨向端而頑愚化上既先以切磋琢磨之方下自  
愛其切磋琢磨之益日有就焉月有將焉旋見聯輝清  
輝藹藹者遙相映也聯聯五星濟濟者大有成也薰陶  
漸染有不人支蔚起者乎猶與休哉侯之堂號棗翁其  
真有斐之君子乎詩曰有斐君子如切如磋如琢如磨  
瑟兮僖兮赫兮喧兮有斐君子終不可謾兮風人之咏  
武公也吾即取之以咏我侯侯東萊掖縣己未進士孫  
老夫子之小阮也諱培曾字壬鎬乙酉舉人

落幢村文宣廟碑記

邑人于元龍

聖人之教世無弗尊聖人之廟村不概見獨邑之東二  
十里落幢村廟貌存焉攷其古舊爲二聖堂今改爲文

其廟去真山河光宇宙範圍乎帝王師相忠臣孝子之  
人學士而不遺者唯尼父之新傳為最漢唐以來佛氏  
輒興道教亦起遠近村莊建立三三聖堂者指不勝屈雖  
曰並行不悖而儒道於焉不昌我

高宗純皇帝二十有 年詔告天下不許浮圖老子與宣靈並  
刻是圖三三帝三五之謬訓崇儒重道之

實也鄉之人多不察往往專信佛老或敬禮三清而此村

獨點一二老而尊孔子是雖各州府縣廟祀有常不宜於

成安縣志

卷之二 藝文

廿五

壬戌 續修

窮鄉僻壤數其尊而原其體

先帝之心崇至聖之意俾村中愚夫愚婦幼子童孫皆知敦詩

書重倫紀端趨向防邪淫未始非秉彝好德之一驗也

况廟之規模雖小而春秋祀享朔望掃除不少懈即謂

為周流之旅舍也可生員崔保身之父崔忠傑同武生

李樸等董其事殿三間若干尺垣墻若干尺前留文昌

帝君閣基若干尺求予作碑記予以為聖道難言第就

立廟之意約畧言之云爾

太學生王聰文

廣平縣舉人尹

明翁為乾侯望族德行才品在在堪述難更僕數

因陋豈能為文惟設館於茲四年有餘頗能道其一二

因作俚詞曰嗚呼 明老非能識之想像從前彷彿

之一生好學且而父之舉世成家耕而力之雖鮮兄

克自立之貽厥子孫靡不植之敬重師儒矜之式之雅

好朋友飲之食之此大端也至於仗義疎財鄉鄰德之

義重恩深家人憚之是非可否分而晰之文物衣冠

成安縣志

卷之二

藝文

共

王成

續修

而飭之此又雅量高遠者也為人如此與之交者安得

不生而暱之死而憶之也哉父老曰然吾子之歌誠是

矣身後之稱原當以生前行事實之也愚遂退而筆之

書即以代香帛之奠招魂之賦云

侯氏五世同堂傳

邑人趙禹錫

古語有子又生子孫又生孫此謂瓜瓞綿綿非必

同堂也及我

朝則每以五世奏

聞者然耳治之而亦未嘗日治焉今

何親睹其人也西彭留村有侯金貴者年八十有八是鄉耆也其長子執桓年六十有三次子玉桓年五十有一孫珍四十有六是子生子未敢必孫又生孫也乃其曾孫長殿元年二十有五次培元十年曰幼而元孫仲則已二齡矣五世同堂誠人瑞也哉而且同堂同居雍睦無間出於農家者流豈果天地之太和不知其然而然與抑亦我

國家雅化覃敷有以培養乎元氣淪洽乎人心而然與其

成安縣志


卷之二

藝文

二十七

王庚續修

元孫不早出而獨出於今日也所謂善政流輝非耶



詩贊歌

秋日渡漳河

明 鄒理

蕭瑟西風古渡頭  
凄然芳草幾經秋  
鷗飛斷岸天將暝  
日落寒江水自流  
十里烟霞迷望眼  
萬家砧杵隔滄洲  
遊人莫謾生新恨  
今古無窮宋玉愁

漳河懷古

明 劉天民

雲寒不離水  
騰作漳河霧  
葭莢脫嚴霜  
蒼茫未能渡  
斥

成安縣志

卷之二

藝文

二十八

壬戌 續修

白際廣野望之迴  
積素憶昔趙魏時  
兵馬日馳騫  
公子納遊俠  
結轍滿皇路  
佐國無定謀  
中原徒指顧  
享費壯士金  
招延詞客賦  
豪華坐銷燦  
會如草頭露  
坐食三三  
化爲萬年墓  
哀哉邱中墟  
遺蹤遍狐兔

渡漳河

明 張善文

望石路野田穿風軟  
松篁徑波輕

亦抱烟霞賞  
東山寺上人

明

花柳漫如弄曉晴春光入眼正分明溪頭小酌啜  
馬上停杯物外情野寺何人橫短笛東風幾處聽啼鶯  
夕陽回首城南路更喜民謠頌太平

過圓照寺

明 白南金

古渡寒裳至逢僧錫杖還憐而登彼岸借我度迷關鐵  
限工書久珠林說法嫻楊枝春正發不許野狐攀

說法臺

白南金

僧自何年去臺因說法存憑虛思往事弔古問空門草  
暗傳衣地烟銷乞食村不知龍聽否花雨向翻盆

成安縣志

卷之二

藝文

二十九

王戌 續修

成安君祠

邑人樊 灝

虎嘯龍驤氣不羣九州鼎沸出塵氛函關已破秦無主  
河北迎還趙有君力剪渠魁憑一劍身膺茅土擁千軍  
男兒到此稱豪傑成敗何須仔細分

太行遠翠

邑人樊 灝

嶺峒一帶沁暹天雨霽霞橫景外妍逸興恍披宗炳畫  
高情笑謂伯牙絃黛眉淡碧林邊掃蝶鬢空青鳥

聞說當年蔡石髓幾回攜策欲尋仙

漳柳晴烟

邑人樊灝

岸南岸北柳參橫釀得春烟繞斥城  
靄靄青迷千樹合  
茫茫翠鎖一溪平  
紫駟嘶處看無蹟  
黃鳥鳴時覺有聲  
載酒尋芳臨古渡  
恍疑身罩碧紗輕

法臺霽月

邑人樊灝

岩堯高枕碧雲頭  
皎皎銀蟾午夜浮  
世界三千渾淨土  
欄杆十二控清秋  
評詩無待青藜火  
貰酒寧憐紫綺裘  
笑指光明呈寶藏  
更何佳話說南樓

成安縣志

卷之二

藝文

三十

壬戌續修

古塔清風

邑人樊灝

蠶、遙臨北斗平  
紅塵半點不須驚  
飛身直訝三台近  
拂袖真成兩腋輕  
心遠欲追仙客馭  
思狂笑與故人迎  
倚欄已入清涼界  
誰賦炎天苦熱行

寇公祠

邑人樊灝

瀟灑不戰自兵銷  
名震華羹萬里遙  
鎖鑰有存驚北使  
樓臺無地起南朝  
半生得喪愁多險  
滿腹忠貞老未消

引古尚尋期會所雷陽漫道竹飄飄

過鳳凰臺

邑侯孫培曾

說法臺西別有臺臺前古柏曉烟開空傳此地仙會到  
不見當年鳳又回一片韓陵何處語二喬銅雀盡成灰  
太行入望晴空好風逆山頭積翠來

贈紳士呈請修說法臺後創建義學

邑侯孫培曾

禪僧到處講玄通得荒邱漳水東原是說來無着處

成安縣志

卷之二

藝文

三十一

王成續修

何妨臺久盡成空劫塵誰覓傳燈錄金碧重輝面壁宮  
寄語皈依非我事育才興學望諸公

創建聯暉書院

邑侯孫培曾

樓閣崢嶸廠紙園中分一曲講堂存如何名邑崇儒教  
謾使諸生仿佛門關地高迎奎宿曜挹香饒有泮芹繁  
構成爽塏延多士好把詩文仔細論

成安君祠

邑人朱履吉

將軍廟貌已摧殘石上銘文幾字看百里金湯誰是主



萃魂千古屬成安

聯輝書院

邑人馬鵬雲

揮聯廣郡接清風育秀培栽一道同惟賴我侯三載化  
頓教諸子六經通光華漸啓宮墻外雨露深添泮沼中  
志樂旂飛于邁候欣然大小亦從公

鳳凰臺

邑人趙燕成

臺畔高低點翠微滿天雲滿總依依  
夢回昔日仙何在  
言到今朝鳳已飛  
淡竹風迴疎葉冷  
彫桐月過幾枝肥  
成安縣志  
卷之二 藝文 三十二 王夙  
空留佳話傳千古  
莫換朝陽一羽衣

說法臺重修

邑人于元龍

說法臺荒不記年每逢勝日想從前  
何期衰草羊牛地  
頓改寒原牧豎天  
傑閣崢嶸空有色  
神光普照法無邊  
問誰修建緣何事  
一片婆心萬載傳

二

層樓叠構久成灰今日重新何壯哉  
豈好浮圖修古剎  
爲昌文教起南臺  
談經有借霞光滿  
慧眼無邊覺路開

何必人人有仙骨春風次第殼凡胎

聯暉書院

前名

茂草新芟荆若何 賢侯雅欲作菁莪嫌隣蓮舍春風  
少移傍宮墻化雨多大扣洪鐘驚蝶夢深挑泮水躍魚  
梭他年桃李馨香遠盡是秋梁門下過

二

大昕鐘鼓作羣才教挹清潭細細裁漫慮沉香丹桂冷  
竹看春暖碧桃開八門得近尼山室到岸如登沫水隈  
兼竹猗猗君子至啣魚鶴雀自東來

成安縣志

卷之二

藝文

三十三

壬戌續修

圓照寺石佛

前名

何年佛子駕東巡獨箇形留漳水濱圓寂同堂泥塑老  
漂流耦伴木雕人科頭戴月雲爲蓋盤膝披風草作茵  
欲識如來真面目靈山缺處是前身

二

前生雖未入空門曾向靈山培性根石化形餘孤影在  
蓮披蕊結半身存雲衣露濕蒼苔冷螺髻塵封燕窩痕

念定那知貧到骨經年風雨坐黃昏

子節婦贊

教諭宋鳳翼

賢媛有志苦節堪傷盟心不失大義從一迥軼尋常方  
其離鸞別鶴欲截髮以相殉倏爾魂返神歸輒撫孤而  
苟活痛惜幼子姑稱未亡畫荻心苦母教恩長爰媿配  
以成人宗祧克繼頌靡他而誓死故志復盟吁嗟兮烈  
婦血淚成行妻捨兮一縊碎裂肝腸遠邁他人之守節  
兮曲全夫命方信隨於黃泉至今凜凜兮從容就義看  
成安縣志

卷之二

藝文

三十四

壬戌

續修

事畢矣之一言

潘興邦廬墓贊

邑人田允升

傳聞潘氏孝行異常陶於窮巷色養高堂偶赴筵席食  
不先嘗歸遺父母恍同陸卽歿無以葬卽用瓦甃自爲  
誌碣佳城輝煌不忍死親以廬於旁 邑侯見賞錫扁  
旌揚莫爲之後湮沒不詳鄰里遺老畧記耿光可以型  
俗可以流芳百行之原忍令弗彰

旌表陳節婦輓歌

磁州張 鈞

細女類之嬋媛兮仰勁節之高懸慕太邱之英俊兮  
吾妹之淑娟苟余情其信芳兮持貞操而倍堅胡彼蒼  
之不佑兮竟遠歸於九泉痛遭逢之不偶兮藉碑以延  
綿邀 曆鑑以揚休兮壹德緣之而流傳維風化於不  
墜兮列清淑於牛眠嗟佳城之鬱鬱兮標母儀於石鐫  
想四德之俱優兮佇青鳥之翩跹看桂蘭之馥郁兮願  
子孝而孫賢惟俚言之載贖兮表哀哀於長箋幽靈其  
有知兮尙來格之翩翩

成安縣志

卷之二

藝文

五

王成  
續修

贊石俱篤行歌

邑人馬鵬雲

我聞良菴行愾慕自緇角仿古耻淵雲立心追伊洛孝  
行鄉黨稱友於敦華葦讀書不爲名壹志修天爵 院  
憲送保陽學冠蓮花博設帳官豪家先覺覺後覺紅拂  
夜來奔波衣正色作驅之弗肯違廉耻苦相說天明辭  
館歸全不露齒頰清操空古今正氣動山嶽功名雖未  
歲六經以爲樂足不履市塵身常範規度年過七旬餘  
甘心澆汰用真學有真傳淵源爲可托賢哉石氏爲

于烈婦歌

邑人馬鵬雲

世人二三可奈何全憑正氣挽頽波漳干郭氏于家母  
烈烈貞心永不朽死生之際非等閑閨淑偏能破此關  
年當二九命遭舛誓死從夫百不轉俄而死者死復蘇  
同言淚落勸撫孤氏承夫志憂如結盼兒亟就成人列  
到得孤兒長成人別夫已經十五春撫孤之事已畢矣  
九泉可以見夫子夜半自死家人驚異香滿室頽如生

成安縣志

卷之二

藝文

共

王成  
續修

君不見生時恩愛期白首夫死旋操他人帚又不見夫  
死矢志欲相隨撫孤成立死何爲氏心匪席不可卷氏  
心匪石不可轉兩間烈氣氏能存卓哉巾幗光于門

廉節婦歌



邑人馬鵬雲

乾坤綱維貞節補缺慷慨捐軀天人動魄郝氏之女受  
廉襦結夫居邑庠倡隨相悅不可弔昊天夫病永訣矢志  
相從心堅如鐵笑慰翁姑暗淚成血歸寧父母還安遺  
奉親有人何妨一別烈氣已伸凜凜不滅我識婦心

當代爲白無煩天悲無煩神惜身死心安義完巾櫛  
馬節婦歌  
邑人于元龍

坤維同載李流丹守節還比死節難夫死捐軀心已盡  
未亡人在事多端相彼同邑張家女十七歲操馬氏帚  
河洲既賦琴瑟調倡和追隨期白首何知長卿一病亡  
撒下相鸞空斷腸几翻欲隨夫子死晨昏誰與奉姑嫜  
高堂白髮悲日暮膝下孤兒僅五度又無伯叔兄翁親  
一門老弱將誰付定省溫清婦也兒延師課讀母作父  
成安縣志  
卷之二  
藝文  
三十七  
壬戌  
續修

仰事俯育少寬閒中有紡織嚴門戶翁姑相繼赴黃梁  
可向夫君語短長又值童孫失所恃殷勤顧復日徬徨  
嗟嗟夫死甘辛苦貞魂後世譜院憲邑侯揚清風彤管  
傳千古



先後修建署倉廩獄祠廟總畧

查本邑公署自前至後共八進前為大門上有譙樓計三間進內數十步東首為收糧廳僅存基址又東為

關帝廟正殿三間抱厦三間過廳三間又東為

蕭曹廟三間過廳三間其南有戲臺一座戲臺之東有戲房二間廟之北為快班房內朝南正房四間朝西廂屋二間大門內西首為監獄外周圍牆一道其內朝南正房三間東西廂各三間居中

獄神祠一小間監獄圍牆北迤西為快班房朝東正房一間朝南廂屋三間二進儀門三間東首科房九間西首科房九間又儀門西朝北科房三間大堂西朝南科房二間中間左右皂隸房各三間三進大堂三間其旁東有庫樓一座又東南更房二間大堂西山貼附承發房三間大堂後左右門皂房各三間四進宅門一間左右門房各三間五進二堂五間其後左右廂屋各二間東廂屋之東另接朝南房二間兩廂屋之後中隔疏圍

六進內宅門一間左右廂屋各二間七進三堂五間又  
耳房兩間西耳房後開便門其後短垣及肩由牆缺而  
出即荒圃其西直通馬號荒圃之北即八進後樓五間  
對正房偏東北約二丈餘左右土房各三間其後雖有  
短垣高不及一二尺與臨街無異正屋之東宅門內東  
門房之後另有廂屋三間有南北牆一道其後為廚房  
計土房六間朝北茶房一間其後二堂之東朝南東客  
廳三間其後帳房廂屋四間又北朝南正房四間即帳  
房宅門內西門房迤南朝北客廳三間二堂之西朝南  
西客廳三間其西廂屋二間其空缺之處周以短垣其  
後朝北書房六間又北朝南書房四間又北朝南書房  
五間率皆欹斜頽敗上草下潮岌岌欲圯不可以一日  
居不得已於三年二月間余乘眷口未至將三堂正廂  
各房全行拆卸命洞開重門朝南直視自七進三堂牽  
頭進大門前進東偏之柱皆直冲後進之中由內達外  
無不昏然急不解其何故復以羅經格之乃知本係癸



丁之地強作子午之向無怪其前後錯出不可繩引也  
爰思所以避之三堂拆卸後自荒圃至二堂無所隔闕  
於八進後樓之中對至五進二堂之後以繩牽之適可  
立癸丁向則知從前後樓至二堂後或即此向耳於是  
挪欵購料擇日鳩工量得自二堂後之蔬圃至三堂相  
隔八丈許地勢進深特長其氣散而不聚乃擬於中間  
間添構一進將三堂改為四堂三堂基地退後二丈展  
寬丈餘并移而偏東正坐後樓適足避向前東極對冲

三

之弊耳房左右各添小屋一間東厨西厠以補西偏之  
缺其前另建東西廂屋各三間又前即三堂後蔬圃之  
地加土填高添蓋倒坐正房五間周圍繞以圍廊倒坐  
正房之後南牆緊靠二堂後東廂之北山牆其前西廂  
屋寬窄不稱拆而移之於兩廂南山接出東西圍牆中  
建內宅門一座於三堂四堂及廂屋之四隅各砌磚牆  
一道計拆蓋正廂房十四間添建止廂房九間圍牆四  
道廊十六架至五月中旬告竣時值炎夏暫爾歇工

月間即有檄調赴永定河挑挖引河差事公出九秋  
署因是年夏秋之交陰雨連日署前後無處不漏日見  
崩塌內而親友家丁幾無容膝之地外而各房案卷無  
可架擱之處因將公署急須修建情形面稟

府憲一面開工一面於是年十月十五日具詳蒙批委  
永年覆勘會詳批准立案報明十一月二十八日開工  
將二堂西邊客廳後之朝北書房六間朝南書房四間  
拆去於朝南四間書房基地另建書房五間又於最北

四

朝南書房之西添茅房一間其前添西廂土房二間新  
蓋五間書房前偏西添土房二間其前隔以土牆土牆  
之東緊挨內宅門西廂屋後牆添建朝南客房二間與  
東邊二間配牆南偏西添土房二間又因東客廳後之  
帳房四間廂屋四間勢將倒塌一律拆蓋帳房廂屋之  
南砌磚圍牆一道牆之東南添建朝西土房二間以為  
管廚家丁住房并於帳房後空地四堂之東添建正房  
三間東廂土房二間計拆蓋正房十八間添建正廂房

十一間磚圍牆一道天寒停工是冬西客廳與下房處  
後傾圮四年二月又復購料鳩工將西客廳重建前後  
各添一架較前進深矣并將西邊舊有下房二間拆卸  
總建下房八間俾隨從人等有棲息之所并以補西面  
之缺南北客廳之中砌東西照壁一道計折蓋正廂房  
五間添建廂屋六間照壁一道復擬涓吉修理二堂及  
科房大門諸工六月中又奉憲委赴楚接運鉛筋公出  
五年七月差竣回任是年六月間繆署任任內有賊犯

朱三吳士德越獄之事緣獄中湫隘低潮牆卑屋矮東  
西北三面囚房各三間尠舊黑暗復有

獄神小廟一間居中障蔽囚之所作不能一覽而知故  
也當於八月二十九日具詳

藩憲動欸修建八月中先將二堂五間拆卸基地移而  
偏東前後各添一架又將兩旁門房各三間拆卸將基  
地往東西展開各添廊一架宅門一座移正兩旁各添  
披一架頭門外照牆一道甚卑矮亦增高展寬并於二

堂前後兩旁各砌磚牆一道十月杪一律完竣計拆蓋正廂房十二間照壁一道添披二架廊十一架磚牆六道是年冬底於司庫領回修監工料銀兩即於六年正月廿九日開工查原估

獄神廟并因房十間因從前屋式難以稽察獄囚于是將

獄神廟移而靠北添建三間俾家人書吏兩邊可以值宿東西兩廂各建六間三月初二日工竣計拆蓋十間

六

添建五間并将外牆增高足以防奸矣又將大堂外東西兩首科房全行拆卸展寬基地每邊各建十三間大堂兩旁各砌新磚牆一道又將儀門外西首快班房六間拆卸正房三間退西五尺廂屋三間改為朝北周築土牆朝東添門樓一間計拆蓋正廂房二十九間添建四間磚牆兩道正擬拆修頭門五月中猝被水患將常義倉廩全行冲塌公署牆垣幸係新築亦間有冲刷塌陷之處惟署西馬號地勢低窪廟宇房屋悉被冲倒義

倉向係民捐於七月二十一日稟報照向規辦理常平倉廩房較多工繁費鉅七月二十六日將急須重建情形具詳

藩憲其時正因西陲不靖大小工程概行停止因此工係刻不可緩歲暮進省面稟

藩憲允於司庫籌款借銀二千兩分作十年無分正署按日攤廉歸款義倉勸諭民捐均未能即時動工七年正月先將頭門譙樓上下三間重建又東門房後本有

內門房三間與宅門外東門皂房三間勢就傾圮亦卽拆蓋并於內門房南山下另建小披二間仍築南北牆一道又移茶爐於牆之北建披二間二堂東首客廳三間兩山墊折勢欲西傾將四面牆垣拆卸重砌其前三面添磚照壁一道廚房不專用於南首添建土房二間計拆造門樓平房十二間添建土房二間披四間照壁一道公署原估應修九十間自三年十一月二十八日詳報開工以後至七年春間已先後拆蓋添建正廂房

一百二十二間其餘應修應添者尚多新舊相形愈無所藏拙故也若概俟工竣後詳報恐上憲及後任疑及取巧故先於七年二月二十日詳報工竣常義二倉原建地基本在最窪之區遭水後悉已倒塌勘得舊倉基迤東有

八蜡廟一座地勢高阜將廟移建可以總建常平倉一座義倉一座當於是年正月先將

八蜡廟三間移建於

城隍廟東首并在

八蜡廟西首移建

劉將軍廟三間各添頭門一座計移建廟宇連大門共八間所需工料均係捐廉辦理而義倉原建廠房本止十七間不專貯穀酌添十九間共三十六間係於民福辦於是年二月二十一日開工四月二十八日工竣修理常平倉工料銀兩於閏五月間領回即於六月初五日開工至八年正月二十日工竣共計廠房七十一間

所有倉基半係填高磚牆之在地平下者各五尺餘灌以灰漿每間各以新磚鋪滿以隔潮城蓋有鑑於六年五月之事故也統共建常義兩倉共一百零七間又大門內東首舊有收糧房基地五間久經坍塌致該收書等各於本房收納糧銀花戶無所歸向二月間即於舊址捐貲重建收糧房之南尙有餘地著兩壯班即其餘地添建朝南正房三間東廂屋二間西首快班房之北捐蓋轎夫房五間轎夫房之北築土牆又折而向東朝

南留門為車馬出入之地又大堂外東庫樓之東拆蓋更房二間大堂西上首又將承發房三間移而偏西其西附朝北內茅房一間除壯班房五間該二班預支工食自行添蓋不算外共拆造正廂房五間添蓋正廂房十一間土牆一道又署後樓房五間因保不急之工不在估修之數嗣於五年春間坍塌雖內署無所用之然高峙於後與坐山等且三面圍牆俱圮於水中直通後街亦無以別內外又署西馬號地勢窪下水後全坍塌前

借東關客寓暫用往來文報請有未便本年五月十二日一併摺節確估詳請

府憲墊款興造蒙批委磁州履勘會詳批准立案當即購料鳩工於六月十六日開工先將馬號基地培高上蓋

馬王廟三間官廳三間抄書馬夫房四間馬棚五間頭門一座并圍牆照詳建造外添建貯草土房四間放車土棚二間內槽馬棚二間車夫房一間共重建馬號土

十

瓦各房二十五間照原詳間數計添蓋瓦間復將後樓五間牆脚并兩首土房拆去另建新樓上下各五間兩首八字廂屋各三間偏西蓋更夫土房二間後門一座三面砌圍牆一道計長四十四丈五尺照原詳間數計添土房二間統計公署舊有正廂屋一百六十三間道光三年十月詳請估修正廂房九十四間八年五月詳請修建後樓正廂屋十間茲前後添建四十五間其兩班新蓋壯班房五間在外又拆蓋一百零六間其粘補將



就者五十七間而已大門內東首之

關帝廟三間抱厦三間過廳三間過廳東

蕭曹廟前之過廳三間與廟前之戲臺亦均欲徙  
諭令各房捐費修葺於六月杪開工七月竣事其馬號  
後樓各工統於十月內一律報竣公署內外未經拆造  
者僅四十五間早已修各房間以新磚鋪地者十之七  
其餘頂榻葦席分間板片屏門榻扇細窓欄杆名件太  
多未便殫屑備載至易一棟砌一牆所費無多者更無

論矣馬號雖在署外與估建後樓合詳其工價應附修  
建公署統算二次詳定作銀一千五百兩自完工之日  
起分作十年無論正署贖日攤捐歸款其不身者自認  
捐辦

文昌廟本在學宮之東水後將圮

奎閣本在城上東南隅早已坍塌擇得署東藩察院基  
地可以移建即於適中之地移建

文昌正殿三間復添建後殿三間大門三間二面圍牆各

一道顏曰

文昌宮遇元旦長至

萬壽節於此行慶賀禮亦庶以昭誠敬矣城上

奎閣傾圮後有勸民人郭凌辰所捐磚瓦木料即於廟前蓋

奎閣一座成邑地常苦旱又於常平倉西蓋

龍王廟三間抱厦三間大門一座計新建祠廟十六間奎閣一座圍牆兩道又於署之兩旁後院及倉前馬蹄

十二

種椿槐榆柳樹共百十餘株大者高二丈餘現皆青葱

鬱茂蓋此點綴亦不可少也前後經辦各工磚瓦木料

土木工匠至多且久其梁柱檁椽可以數計者購以平

價其並非常有應行添配者則飭各牙代辦照例給值

總計平價十之八例價十之二而已磚瓦坯土半給平

價半給例價蓋向有舊章不欲遽廢也至土木工匠論

間給價者十之八計工授值者十之二多寡不同也點

撥請款拆造所領例價樽節專用衙署馬號等詳辦錄

一千五百兩常平倉填基移建借廉銀二千兩不敷膏  
多幸興作非在同時又余親為料量身自督率故得陸續  
其

八蜡廟

將軍廟

文昌宮

奎閣則余所捐建者

十三

龍神祠則動閒款成之念到成七年總計修理公署倉  
廩監獄馬蹄及各廟宇共三百二十二間其間雖云拆  
造實同新建者十居其八四五年來與工匠等度長繫  
短舌敝胥焦工無大小必期足以經久而後已惟余不  
巧詐以肥橐朮削以病民上下相孚落成斯速應辦各  
工均已先後告竣後來者可以安享其成土木工匠等  
此數十年中亦可相安無事當亦知余為此地計一勞  
永逸之心乎

大清道光八年歲次戊子十月

知成安縣事浙江山陰趙庭椿記



45

成安縣改建常平義倉記

州縣之有常平義倉同也監守出納以時葺治無不同不善守之名同而異其實者有矣是視乎其人也苟有其實雖變通焉可也無其實雖守成法久且隳焉况不能守耶成安縣常平倉義倉在城西北隅庠下窪溼道光六年五月雨淫淫溢野水注城壞廩摧垣水深尋丈積貯萬餘石漂沒僅有存者其邑侯趙君庭椿以循廉稱有年矣恃其信乎民而因以獲乎上夙夜殫劬求復其所於常平倉則請借帑銀二千兩又勸輸士民以復義倉皆循舊例也故址既濬且鑿於前之被患乃移

八蜡廟

劉猛將軍祠於他所而改建於其地奩椁宏敞土木堅韌工毋苟焉凡常平倉廩七十一間義倉廩十七間漆建十九間為三十六間閱一年而竣其漂沒餘穀去朽易新補所不足積貯如數無有所絀君固勞且瘁矣災不為害民不知病所謂善守而有其實者願不在人耶

予嘗求古人於常平義倉用意立法之美常平自漢孝  
宣義倉自隋開皇歷唐宋以迄於今常平主和糴減糶  
領於有司宜矣義倉則民之自為儲峙委積以待凶荒  
者也有司領之誠不能無胥吏侵耗假借之弊然苟得  
古人為民之深而察乎其俗因乎其時審乎其地固未  
嘗不可以變通亦鄭至於無失立法之本而已此固在  
人者也先是直隸總督方宮保公作義倉圖州縣各於  
其鄉置倉捐貯以備賑卹數十年因之寢久稍廢今制

府那公方伯屠公督勸修復咸仍舊貫而君以其倉廩  
之在鄉者胥歸於城非欲自異乎抑眎其俗與地而亦  
有說乎大名廣平郡縣與河南山東壤交錯攘竊所時  
有而子弟年少者因貧為慄悍父老約束難歲稍稔所  
為輒不可知捐積者今置於各里社為升斗斛少而或  
橫取而暴散之不可謂私憂過計矣且宮保所為義倉  
圖計里為方方各著其村市與設倉之所凡徑路之縱  
橫城邑之遠近山川水澤險阻之形勢四至八到交錯

移建常平義倉記

本邑之有常平倉舊矣雍正元年經前任王公文外建  
修迄今已逾百年余於道光二年冬莅此查有廩十六  
座房八十四間其間坍塌者半餘皆欹邪傾側岌岌欲  
圮每逢陰雨傳匠補漏竟無已時蓋地本鹹鹼而又在  
城北最窪之處莅此者又以其非所時至失於修葺而  
倉貯間或因之震變增折耗焉余亟擬詳修而公署之  
頹敗更甚於此又不得不先其所切近者且工繁費鉅  
畏難而苟安者亦有之矧余三年之秋派挑永定引河  
四年之夏又委接運楚鉛至五年七月初回任水陸奔  
馳心力交瘁更不敢遽議興作僅先後葺治俾免傾頹  
而已六年五月十三日驟雨如注四野溼霑是時久旱  
之後方以為慶次日黎明突有瀝水自西南來乘城而  
入勢若建瓴當率丁役民夫分頭搶護甫將水頭頂逼  
入壕而大溜直趨城東北隅之小東門頃刻連城墻冲  
塌五丈有餘水勢洶湧人力難施倉廩在城北正其頂

冲登時塌陷并將迤西嘉慶二十年前任花公瀛珮勅諭衿民捐建義倉十二間一併傾圮本邑城形如釜受水最深之處測得一丈二尺有奇登高下望民房均在巨浸之中墻垣壁塌之聲至數晝夜不絕而常平倉貯穀一萬餘石義倉貯穀五千餘石皆沒於水急雇集民夫將倉貯乾溼各穀設法盤搶乾者暫借高房分貯濕者暫搬城外曝晾又預賃空場菜園露囤一面督率城闕衿民將城內積水捐費車戽往來烈日泥淖之中者

二

幾及兩月寢食為之俱廢幸四鄉水退之後即得播種而穀價翔貴農民艱食余請於上官將受潮穀四千五百餘石出借以甦民困奉批准行四鄉得此接濟民力漸紓是秋收成豐稔即將受潮變價及賑缺穀石亟時買補足額并将出借穀石征還因思借貯民房菜園露囤均非久計必須將倉廩擇地建造以資收貯勘得舊倉基迤東有

八蜡廟一座地處寬濶旁有餘地稍為高爽當將急須



民請命分查四鄉幸不波及心感

神貺而未言也六年五月十三日城中猝遭水患神祠  
宛在水中觸目難安急無設法是秋禾苗甚茂而隣近  
蝗孽復滋延及邊鄙余又赴祠亟禱旋即撲滅幸不為  
災於是亟求爽塏高阜之地擬將

八蜡神

劉將軍分建兩祠冀以酬靈貺也嗣於

城隍廟東相得仰功祠舊址上已一無所有惟隆碑欲

六

圮耳度得基寬七丈餘可以並建六楹即於七年二月  
間填基移建周以牆垣并各設大門一合俾農民報賽  
各有專祠兩而化仍一而神也又成邑地處高阜沙地  
居七余莅任六載無歲不禱夏秋之間每值旱暵則寢  
食俱廢七年季夏旱既太甚禾苗將枯潔齋旬日漫心  
如焚於無可思議之時念及城中素無

龍神之祠試籲天默禱若得甘澤願建新祠秋初沛然  
霑足乃亦有秋感應之理亦甚速矣八年二月即於大

倉之西相基構造興工上梁之日皆得雨澤及前  
五月二十二日辰時開光先一日大雨如注四野雷足  
鄰境之被澤者廣而且遠一月之中連得透雨三次中  
間小雨無隔五日者農民相慶僉云得未曾有  
神之德洋恩溥為何如耶

文

昌祠三楹舊在學宮之東逼近城垣湫隘隱僻且遭水  
時淹沒巨浸中者半載基地東折將就傾頽

奎樓本在城上東南隅早經塌卸在城士庶無議及興

七

築者擬官為倡捐恐心力不齊徒曠時日此為合邑文  
風所繫余義無可諉相得署東有舊察院基址一區已  
成廢地南面臨街三面環水地勢空靈高敞據城東之  
勝於是庀材鳩工將

文

昌祠移建於上復添建後殿三楹大門三楹周以牆垣  
奕壇高朗巍乎煥乎當為神之所憑依矣復於距大門  
前十丈之地朝北建

奎閣一座計高二丈七尺有奇聳峙於前庶幾傑構式

新造移建者計間一百一十有八添建者四十有五拓  
補者四十有五而已雖竭贊敝神未嘗因此累及閭閻  
清夜捫心庶亦無媿矣乎然余非能自操匠削自為聖  
場也輦運畚鍤樸斲墜茨皆我民力成之六七年中歲  
無休息或有謂余興作太煩者是未諒余為合邑計一  
勞永逸之心也嗚呼余之心或將他日請念耳

大清道光

年歲次

知成安縣事浙江山陰趙庭椿

